

古文尚書撰異

古文尙書撰異卷三

段玉裁學

禹貢第三

虞夏書

史記漢書說文
皆謂之夏書

禹敷土

周禮大司樂注曰禹治水傳土釋文傳音孚或音附正義曰案禹貢云敷土敷布也布治九州之水土玉裁按詩敷政優優左傳成二年昭二十年引作布政書筱簋旣敷夏本紀作竹箭旣布敷重蔑席說文引作布重蔑席此皆敷訓布之證史記夏本紀作傳土大戴禮孫卿書成相篇亦皆作傳土

史記索隱曰大戴禮作傳土故此紀依之今按五帝德

今本作敷土蓋淺人改同尙書非小司馬所據之本也
地理志今本作敷蓋亦淺人所改作傳土者今文尙書
作敷土者古文尙書也

隨山栞木

栞唐石經已下作刊今更正說見咎繇謨

漢地理志作栞 說文六篇木部栞字下曰槎識也从
水𠂔闕夏書曰隨山栞木讀若刊又栞字下曰篆文栞
从𠂔玉裁按栞者古文栞者小篆也說文𠂔咎繇謨皆
曰虞書𠂔禹貢皆曰夏書此系之夏書則所引謂禹貢
也

奠高山大川

夏本紀行山表木定高山大川皆以故訓字代之也

冀州既載壺口治梁及岐既修大原

大唐石經已下作太非古本也漢人書碑廟號如太宗
官名如太尉太常太中地名如太原太陽之類皆作太
泰山亦作大經典凡太子太學皆作大此經如大原大
行大華大甲大戊等衛包皆依俗讀改爲太而開寶中
又刪釋文大音泰之云矣惟僞武成大王僞畢命大師
未改

至于岳陽

釋文云岳字又作嶽按夏本紀地理志皆作嶽說文嶽
小篆也出古文也

覃懷底績

底績夏本紀作致功故訓字也

至于衡漳

漳地理志作章

厥土惟白壤厥賦惟上上錯厥田惟中中恒衛既從

恒夏本紀作常索隱曰此文改恒山恒水皆作常避漢

文帝諱故也

大陸既作

作夏本紀作爲故訓字也

鳥夷皮服

釋文鳥當老反馬云鳥夷北夷國正義曰孔讀鳥爲鸛

島是海中之山鄭元云鳥夷東方之民搏食鳥獸者也
王肅云鳥夷東北夷國名也與孔不同王裁按據正義
孔讀鳥爲島之云是經文作鳥傳易其字鄭王如字故
云與孔不同也陸氏釋文云鳥當老反謂孔傳讀爲島
也其下文曰馬云鳥夷北夷國謂馬不易字也自衛包
改經文鳥字爲島而宋開寶中又更定尙書釋文兩鳥
字皆改爲島以鳥夷系之馬云尤失之誣馬未嘗作島
也鳥夷見大戴禮記五帝本紀又按夏本紀地理志皆
云鳥夷皮服然則今文尙書亦作鳥也今更定經文作
鳥復衛包以前之舊又按依漢人注經之例傳當云
鳥讀爲島海曲謂之島乃完作正義時已少四字不知

轉寫刪之抑作僞者變亂舊章也 羣經音辨曰鳥海
曲也當老切書鳥夷玉裁按賈氏據未改之尙書釋文
出此條 集韻三十二皓曰鳥古作鳥此合未改釋文
已改釋文爲此語也

夾右碣石入于河

河夏本紀作海徐廣曰海一作河

濟河惟兗州

濟依說文當作沛但此等字古文假借當仍其舊如夏
本紀作濟地理志作沛可證漢人通用也

錢氏曉徵史記攷異曰沘州本以沘水得名尙書作兗
州由隸變立水爲橫水又誤三爲六耳玉裁按說文口

部曰𡵓山閒陷泥地从口从水敗兒讀若沅州之沅九
州之渥地也故以沅名焉此當作古文以爲沅州之沅
沅州者九州之渥地也故以𡵓名焉今本譌舛文義不
通水部曰𡵓古文沅亦謂此也故臣鉉等曰口部已有
此重出今本水部譌作沿與緣水而下之沿相類口部
又曰商古文𡵓蓋古文尙書作商州今文尙書作沅州
𡵓卽商之今字故水部又謂𡵓爲古文沅口部謂古文
以𡵓爲沅州之沅而商字轉寫旣久漢碑皆作𡵓作𡵓
則參合商沅二體成此一字今隸又省作𡵓非立水改
橫水又誤作六之譌也叔重云九州之渥地故以𡵓名
此比傳山閒陷泥地爲此說古文家說也古文尙書蓋

沅水字作沅商州字作商不以水名爲州名

雷夏旣澤

風俗通義山澤篇曰謹按尙書雷夏旣澤

灘沮會同

周禮職方氏兗州其浸廬維鄭注廬維當爲雷雍字之誤也禹貢曰雷夏旣澤雍沮會同按雍者離之隸變字不從水夏本紀地理志皆作雍不從水是古今文尙書本皆不作灘也後人加水旁而釋以爾雅水自河出爲灘恐非是釋文云王於用反蓋王肅以壅塞釋之故云爾也鄭注云雍水沮水相觸而合入此澤中亦不以爲在宋之河灘水

桑土既蠶是降丘宅土

風俗通義山澤篇曰謹按尙書民乃降丘度土此今文尙書也是字作民乃二字宅作度此文字異者七百有餘之目也凡古文尙書宅字今文尙書作度說見堯典楊子方言曰度居也史記夏本紀於是民得下丘居土司馬所據今文尙書亦當作民乃降丘度土度土作居士亦如度西曰柳谷作居西也王伯厚藝文志考舉漢儒所引民降丘宅土未詳見何書地理志是降丘宅土蓋或用古文尙書改之也

厥土黑墳厥草惟繇

草說文作艸地理志作中說文一篇曰中艸木初生也

讀若徹古文或以爲艸字按班書多以屮爲艸

說文一篇艸部曰蘇艸盛兒从艸繇聲夏書曰厥艸

徐小

本作

惟蘇

大徐本

王裁按陸德明王伯厚皆不引說文

厥艸惟蘇爲異字今按楚金本作惟蘇

說文有蘇無蘇繇卽今蘇字也

繇隨從也此引書以證蘇字从艸繇會意正如引易百

穀艸木麗于地以證麗字从艸麗會意引易豐其屋以

證豐字从艸豐會意引易地可觀者莫可觀于木以證

相字从目木會意繇古音讀如由馬注尙書云繇抽也

說文當云从艸繇繇亦聲或當日從略或後人轉寫脫

誤未可知也此非好爲異說願潛心小學者審之

厥木惟條

玉裁按克州繇條爲韻古音第三尤幽部也楊州天喬
爲韻古音第二蕭宵肴豪部也條从木攸聲古音徒由
切

夏本紀草繇木條二句皆無其維字而楊州有之地理
志則二州皆無厥惟字疑今文尙書本皆無厥維字史
記楊州有之者後人增之

厥田惟中下厥賦貞作十有三年乃同

年枚頤本作載釋文曰馬鄭本載作年王氏後案曰爾
雅唐虞曰載夏曰歲商曰祀周曰季僞古文斤斤守之
不失故大禹謨云朕宅帝位三十有三載允征云每歲
孟春伊訓云惟元祀太甲云惟三祀說命云王宅憂亮

陰三祀泰誓云惟十有三季豈知古人臨文正不拘堯
典百姓如喪考妣三載孟子作三季洪範云惟十有三
祀劉歆引伊訓云維太甲元季論語引書高宗諒陰三
季不言多方前云五季後云五祀是皆通稱此載字當
從馬鄭作季

按夏本紀地理志皆作十有三年則今文尙書同也乃
地理志作迺

厥貢漆絲

依說文漆爲木汁漆爲水名周禮漆林之征故書漆林
爲漆林杜子春云當爲漆林然則自古通用姑仍舊也
厥篚織文

篚依說文當作匪今俗匪字皆加竹地理志作棐下
皆同食貨志曰禹平洪水定九州制土田各因所生遠
近賦入貢棐

浮于濟漂

五經文字水部濕濕二字下曰他帀反上說文下經典
相承隸省兗州水名經典相承以爲燥溼之溼

石本溼作濕

別以漂爲此字見夏書與釋文合與字義不同顧氏譌
吉隸辨曰累卽縣之省而譌曰爲田耳如顯亦從縣綏
民校尉熊君碑顯皆爲顯與濕之爲漂正同漢書功臣
表有濕陰侯地理志霍去病傳王莽傳皆作漂陰則濕
漂本是一字王氏鳴盛曰漢千乘郡有濕沃縣濕水所

經地理志作溼而水經注不誤玉裁按漢碑借濕溼爲溼字今人以濕爲溼本之而濕水乃作溼據五經文字則釋文已然不煩議改

釋文云溼天荅反篇韻作他合反玉裁按下六字宋人所增也宋以前未見有稱篇韻者眞宗以後之稱篇韻謂玉篇廣韻開寶閒所謂篇韻蓋玉篇及唐韻也甘誓篇云與玉篇切韻同臯陶謨篇曰切韻都昆反切韻苦角反皆宋人竄入語

達于河

史記作通于河青州作通於滄徐州作通于河楊州作通淮泗惟豫州作達於河達者通之誤也漢書兗州作

通于河揚州作通于淮泗而青徐皆作達達亦通之誤也凡古文尙書皆作達凡今文尙書皆作通顧命用克達殷漢石經作通殷是可以得其例史記多以故訓之字易其本字而通字則仍今文之舊非易字也漢書述禹貢不易字而皆作通此可證今文尙書本如是論語天下之通喪三年問曰天下之達喪古音達讀如撻與通雙聲

海岱惟青州嶠夷既略

史記索隱曰孔安國云東表之地稱嶠夷按此堯典傳也又曰按今文尙書及帝命驗並作禺鐵在遼西鐵古夷字也按鐵當作鍊司馬貞所云今文尙書者蓋漢一

字石經拓本存於祕府及民間者也堯典釋文亦云尙書考靈耀及史記作禹鑿凡緯書出於漢故考靈耀帝命驗皆今文尙書也

濰淄其道

說文十一篇水部曰濰水出瑯邪箕屋山東入海从水

維聲徐州漢夏書曰濰淄其道

小徐本濰作維道作導誤也

王裁按

尙書釋文曰濰本又作惟又作維夏本紀作維地理志

述禹貢作惟瑯邪郡箕下云禹貢維水則作維靈門下

橫下折泉下又皆作淮王子侯表城陽頃王子東淮侯

類封北海北海郡別無淮水亦當是濰之異文通鑑梁

武帝紀李叔仁擊瑯杲於惟水胡三省注惟當作維是

灘維惟淮一也

尚書後案云尔

其實斑氏書一篇一郡內不應

字體淆亂如此皆轉寫失之也

溜水之字地理志作留夏本紀水經注則作溜廣韵曰

古通用留按周禮職方其浸留時字正作留則可知非

留缶字也今依釋文唐石經廣韵作溜或以說文無从

水之溜而必改爲留非治經之濫也

留缶字與留缶字隸體相侶此水名

依釋文唐石經作从留缶也攷廣韵留字下曰同留又說文東楚名缶曰留則留爲一字蓋其誤久

矣說文無溜而灘下引夏書灘溜恐轉寫失之抑說解

中字體有不與篆文合者江氏叔澐曰篆文至爲審慎

而說解中閒有出入可毋以說解中所有補篆文所無

其說是也

又按依職方兗州其浸廬維之文則說文當日兗州浸而系之徐州與潁湛本皆荊州浸而皆曰豫州浸滎本豫州浸而曰荊州浸皆未詳其說

其夏本紀作旣

厥土白墳海濱廣斥

斥依說文當作席隸省作斥今俗寫作斥殊不可通

作斥者古文尙書也作潟者今文尙書也夏本紀地理志皆作海濱廣潟皆用今文尙書也夏本紀此下有厥田斥鹵此四字誤贗史記述禹貢厥皆作其不應此獨云厥蓋斥鹵系潟字之注厥田本下屬以厥田上下爲句厥乃其字之誤斥聲舄聲古音同在第五魚模部蓋

二字同音鴻古作舄地理志又云齊地負海舄鹵溝洫
志云終古舄鹵兮生稻梁史記河渠書云溉澤鹵之地
索隱曰澤一作舄本或作斥徐廣注夏本紀曰鴻一作
澤又作斥集韻二十二昔鴻鴻二字下曰昌石切通作
席斥作鴻者或加水旁耳周禮草人鹹鴻用貍鄭注鴻
鹵也鴻當本是舄

集解引鄭注曰斥謂地鹹鹵龍駒於此不敢改斥爲鴻
而讀者疑正文無斥字乃增之曰厥田斥鹵此其原委
也索隱鹵音魯云云爲鄭語作音注也

單行本無

厥田惟上下厥賦中上厥貢鹽絺海物惟錯岱畎絲枲
釋文曰畎徐本作畎谷此不可通不當一字爲二字也

當云徐本作𪔐谷也說文曰𪔐古文也𪔐小篆文也谷下脫一也字

又按𪔐當是古文𪔐當是籀文𪔐則篆文說見臯陶謨壁中本當作𪔐𪔐羽𪔐此等當以意會之

釋名釋山篇曰山下根之受雷處曰𪔐𪔐吮也吮得山之肥潤也按此條專爲禹貢𪔐𪔐羽𪔐𪔐釋訓若今四川貴州於山足下受雷處層遞爲水田豬水以種稻是其名𪔐宜矣

周禮山師注山林之名與物若𪔐𪔐絲臯嶧陽孤桐矣釋文𪔐古犬反𪔐孤若反又孤善反集韻上聲四十一迥曰𪔐𪔐迥切書𪔐𪔐絲臯劉昌宗讀此本周禮音義

也余仲林易之曰吠音耿劉音不可通

鉛松怪石

釋文曰鉛字从台台音以遇反五經文字水部曰沿說文也从台台音鉛沿經典相承隸省也玉裁謂隸省鉛沿字恐與公侯字相混無別故不從唐石經而作鉛沿萊夷作牧

釋文曰徐音目一音茂玉裁按商郊牧野徐亦一音茂此舊音也駟駟牧馬或誤牡馬正以同音故

厥篚壓絲

玉裁按夏本紀壓作會壓者古文尙書會者今文尙書也二字古音同讀如音猶毛詩壓壓韓詩惜惜古同音

也蓋今文尙書作會而大史公仍之斷非大史公好爲改易矣其義則當爲六書之假借班志不作會者或班用正體或後人改易之

汗簡西部會古文厯出尙書此等乃依傳史記說文等爲厯書非眞見壁中本如是也集韻曰厯通作會亦因史記云然

或問裴駙集解引孔安國曰會桑蠶絲字亦作會安知今本作厯者非衛包改乎荅曰此裴順史記正文不暇分別故耳古人作注惟李善於文選所引書與正文字異必仍其舊而明之曰某與某同裴駙輩皆不及也且如史記作都古文尙書作豬而集解於大野旣都引孔

水所停曰都史記作涔古文尙書作潛而集解於荊州
沱涔旣道引孔涔水名史記作明都古文尙書作孟豬
而集解引孔明都澤名史記作大邳古文尙書作伾而
集解引孔山再成曰邳是可據裴以改孔乎且見於經
傳者詩皇矣禮弓人春秋鄭語字皆作厯無異體經典
釋文三音皆烏簾反且釋文正義中絕無會讀爲厯之
說是無惑於汗簡等之作僞可也

浮于汶

考工記鸛鵒不踰濟貉踰汶則死列子湯問篇同殷敬
順釋文曰鄭注云汶水在魯北此大誤也史記汶與嶧
同武中切謂汶江也非音問之汶案山海經大江出汶

山韓詩外傳云昔者江出於汶山

按今本作昔者江於瀆誤也

楚詞

隱汶山之清江

之字誤洪興祖引之非也屈賦云馮崑崙以激霧露兮隱岐山以清江大約攬

辨澄清之意隱

去聲讀如隱凡固可明矣且列子與周禮通言水土性

異則遷移有傷故舉四瀆言之魯之汶水闊不踰數十

步豈狐貉暫遊生死頓隔矣困學紀聞取其說王裁按

非也嶠山字漢人作汶故有汶江縣有汶山郡悲回風

作汶王注曰一作嶠一作汶要之汶是山名非水名也

以爲水名亦必曰汶江如殷氏所言則當云貉踰江則

死不當云踰汶卽云踰汶江尙嫌其贅豈舉汶一字謂

江爲汶斷無此文法也作考工記者當是齊人故沛汶

終古終葵皆用齊地齊語

達于濟

達地理志作通今本漢書作達誤也

海岱及淮惟徐州淮沂其乂

乂今文尙書作艾於漢石經鴻範殘字知之也夏本紀作治故訓字也

淮溜其道淮沂其乂蒙羽其藝江氏聲皆讀其爲旣非也旣者已然之書其者將然之書語意略別又按古人立言皆謹重絕無夸大旣者小食也日有食之旣言垂盡也周本紀之末曰周旣不祀言周至是乃不祀也凡言旣道旣澤皆謂至是乃爾也旣與其字異而語意正同其者尙虞其不爾也

蒙羽其蓺

徐鉉說文新修字義曰藝後人加艸云義無所取今按詩蓺麻如之何釋文云蓺樹也本或作藝技藝字耳是則說文執種也俗加艸爲之六蓺字本取種蓺之意而俗又加云爲之古皆只作執也今從地理志作蓺凡文字必知古以正今亦必因今以求古

大野旣豬

野地理志作豭說文十三篇里部曰小篆作野古文作豭

周禮稻人以豬畜水春秋左氏傳規偃豬禮記檀弓濟其宮而豬焉鄭注豬都也南方謂都爲豬玉裁按古音

無魚虞模斂侈之別都音同豬二字皆者聲也南方謂都爲豬者謂北人二音略有別南音則無別也堯典曰幽都孔傳曰都謂所聚也穀梁傳曰民所聚曰都公羊傳注曰人所聚曰都堯典作都禹貢作豬實是一字古文尙書作豬而鄭注周禮引禹貢熒播旣都又曰望諸明都也鄭以正字易其假借若夏本紀凡豬皆作都蓋今文尙書然也而地理志皆作豬恐或改之俗豬旁加水作豬猶鳥旁加水作渴皆未知古人以音爲用不泥其形也

東原底平厯土赤戡墳

釋文大書埴字注云市力反鄭作戡徐鄭王皆讀曰熾

韋昭音試玉裁按徐鄭王者謂徐邈作音鄭王作注皆

讀曰熾也以徐先鄭王者如檀弓釋文亦云徐盧王矣

孔本作埴故考工記搏埴之工疏引尙書厥土赤埴墳

注云黏土

此卽引孔傳也惠氏定字採爲鄭注誤矣

鄭本作戠故釋文云鄭

作戠直聲戠聲皆在之哈職德第一部也鄭作戠讀曰

熾而王從之讀曰與讀爲同易其字也本作戠而改讀

爲熾字其訓則曰熾赤也見李善蜀都賦注鄭不釋戠

爲黏土者意以赤熾言色墳言性與白壤黃壤白墳等

一例儻戠訓黏則與墳爲二性非經之例晉成公綏天

地賦云海岱赤墳華梁青黎

揚齊宣音義墳尺志反此

用鄭本尙書加土于戠旁也左思蜀都賦丹沙赭熾出

其坂劉逵注引尙書禹貢曰厥土赤埴按埴字當是本
作熾用鄭改讀之尙書以爲丹沙施熾之證故李善補
足之云鄭氏尙書注曰熾赤也當云赤見也文義顯然玉篇
土部埴時力切引孔傳土黏曰埴壑齒志切赤土也廣
韻埴常職昌志二切黏土也壑昌志切赤土也此皆分
用孔鄭之本之訓而戢皆加土矣至集韻類篇合埴壑
戢爲一字而無赤土一訓則不若篇韻之得其傳矣今
定從鄭本作戢

又按正義曰戢埴音義同考工記用土爲瓦謂之埴埴
之工是埴爲黏土故土黏曰埴此是戢之誤改玉裁按據此知

正義所據孔傳本亦作戢與釋文所據孔傳本作埴不

同惟本作戠而釋爲黏土故云戠與埴音義同也凡唐人經典正義與釋文所執經文不同後人不知分別而妄牽合之或用釋文本改正義本或用正義本改釋文本皆不能無失如此經作赤戠傳作土黏曰戠正義作戠與埴音義同故土黏曰戠其顯然者儻經文作埴正義直曰考工記用土爲瓦云云足矣何必云戠埴音義同哉牽於釋文而改經傳遂不得其所謂矣

太平御覽三十七尙書禹貢曰徐州土赤戠埴

謝沈注曰戠音

志玉裁按經典釋文序錄東晉會稽謝沈古文尙書注十五卷其字作戠此可證後人加土耳

汗簡曰埴尙書埴字刊本埴誤作埴古文四聲韻同此

作汗簡者不知古文尙書本作戠不加土也

又按夏本紀地理志皆作埴今文尙書也孔傳用今文尙書釋戠鄭王則否

又按釋文云聿昭音試統於鄭作戠之下蓋陸氏所據漢書音義聿昭作戠音試也集韻七志曰戠式更切本此蓋漢書每多古字

草木薪苞

釋文曰漸如字本又作薪字林才母反艸之相包裹也包必茅反或作苞非叢生也馬云相包裹也玉裁按此當依別本作薪說文薪字下曰艸相薪苞也从艸斬聲引書艸木薪苞然則字林本說文也薪苞者積緻之皀

僞孔以進長釋薪而或改薪爲漸唐已前已如是至於

苞字說文引禹貢正從艸

大徐本不誤

見於爾雅釋故曰苞

森茂豐也釋言曰苞積也釋木曰如竹箭曰苞凡釋艸

釋木中作枹者皆苞之別體見於毛詩下泉屢風斯干

生民行葦毛皆云本也鄭兼云茂也馬以相包裹訓經

之苞古六書假借之法如是此字蓋經本作苞衛包易

爲包而開寶中又依衛倒易釋文苞包二字徐楚金說

文解字繫傳苞字下曰尙書草木漸苞詩如竹苞矣皆

當作包不從艸徐說甚誤亦正可以證南唐時尙書作

從艸之苞合於說文解字史記漢書作包皆非善本

說文又有藁字云藁或從槩

玉篇廣韵集韵皆作薪苞

薪紀志皆作漸疑今文尙書作漸孔傳依今文爲說

厥田惟上中厥賦中中厥貢惟土五色羽畎夏翟

畎周禮染人注小雅節南山正義皆引作畎徐州岱畎
徐仙民亦作畎也

周禮染人注染夏者染五色謂之夏者其色以夏狄爲

飾禹貢曰羽畎夏狄

刊本畎作畎誤

玉裁按古狄翟異部相假

借有假借翟爲狄者如春秋傳翟人是也有假借狄爲

翟者如尙書之夏狄毛詩右手秉翟韓詩作秉狄

以五經異

義知又禮王后掄翟闕翟亦作狄是也韓詩說以夷狄

大鳥羽此泥於字形而不知六書之假借廣雅釋器曰

狄羽也夏本紀作翟地理志作狄

嶧陽孤桐

地理志東海郡下邳縣葛嶧山在西古文以爲嶧陽王
裁按班以嶧陽爲山名此古說也凡志云吳山古文以
爲汧山大壺山古文以爲終南塋山古文以爲敦物古
文以崑今嵩字高爲外方山章山古文以爲內方山橫尾
山古文以爲倍尾山葛嶧山古文以爲嶧陽具區澤古
文以爲震澤傅易山古文以爲傅淺原休屠澤古文以
爲豬蹙澤居延澤古文以爲流沙此等蓋今古名之異
今名吳山古名汧山云古文以爲者對今名言之此古
文二字猶言禹貢非謂蹙中古文也大史公自序曰秦

宗東晉人作周禮儀禮音各一卷禮記音五卷隨志云
周禮音三卷劉昌宗撰又云劉昌宗禮記音五卷亡未
嘗作書音也余氏仲林古經解鈎沈乃云劉昌宗有尙
書音且列爲唐人誤矣周禮大司樂釋文又云夏劉古
八反於劉音烏司几筵又云翌劉音育皆劉爲注所引
尙書作音

史記索隱曰螾又作濱濱畔也案此恐是螾之譌字
毛詩泮水正義引禹貢徐州淮夷螾珠泊魚此可證唐
初本暨有作泊者以東咎繇例之璧中本暨皆作泉後
有改易耳夏本紀地理志皆作泉魚則今文尙書與古
文尙書同也

厥篚元織編浮于淮泗達于荷

淮泗地理志山陽郡下作泗淮

達紀志皆作通今本漢書作達誤也山陽郡下作通仍
不誤

荷枚頤本作河今依說文水部水經注沛水篇所引古
文尙書更正

說文十一篇水部荷字下曰荷澤水在山陽湖陵禹貢
浮于淮泗達于荷从水苛聲

水經注濟水篇曰荷水分濟於定陶東北東南流右合
黃溝枝流又東南逕乘氏縣故城南又東逕昌邑縣故
城北又東逕金鄉縣故城南又東逕緡縣故城北又東

與鉅野黃水合荷澤別名也又東逕湖陸縣南東入於泗水澤水所鍾也尙書曰浮于淮泗達于荷是也按酈氏所引者古文尙書也於此證古文尙書不作達于河甚顯白

尙書古文疏證卷二曰浮于淮泗達于荷今本作河二孔無傳疏余考之荷是也蓋荷者澤名爲濟水所經又東至于荷者是在豫之東北卽徐之西北舟則自淮而泗自泗而荷然後由荷入濟以達于河此徐之貢道也上文兗州浮于濟漯達于河次青州便浮于汶達于濟不復言達于河矣又次徐州浮于淮泗達于荷亦不復言達于濟矣至揚州則浮于江海達于淮泗且不復言

達于潯不復言者蒙上文也雖由當日水道之自然而其敘法從變字法從簡真屬聖經之筆

黃氏公紹韵會舉要曰案淮泗入河必道于汴世謂汴是隋煬帝始通而疑禹貢有浮于淮泗達于河之文說者牽合傳會或指鴻溝引河水入泗安知非禹之迹或謂當時必有可達之理朱氏書傳亦莫知所折衷今按說文潯字音柯注引禹貢浮于淮泗達于潯與導潯澤同則是達于潯非達于河也許慎所見蓋古文尙書後人傳寫之誤不知从艸例以禹貢上下文達于河爲句改潯爲河陸德明又以河音如字遂啓後人淮泗不能達河之疑然陸氏於潯澤下注徐音柯又工可切於浮

于淮泗達于河下亦注云說文作潒工可切水出山陽湖陵南則非九河之河明矣如字之音陸氏誤也近世惟新安王氏曰濟入河溢爲滎會于潒注于泗則河爲潒益明矣

胡氏渭萬貢雖指曰金氏履祥通鑑前編曰達于河古文尙書作達于潒

王裁按此謂宋次道家古文尙書薛季宣所注者

說文引書

亦作潒今俗本誤作河耳潒澤與濟水相通而泗水上可以通潒下可以通淮徐州浮淮入泗自泗達潒也青州書達于濟則達河可知故徐州書達于潒則達濟可知潒按潒謂潒澤在兗州府定陶縣東北說文潒字下云禹貢浮于淮泗達于潒从水苛聲徐鉉音古俄切

隸从艸作蒔俗遂訛爲荷又訛爲河也許慎時經猶作蒔而史記漢書竝作河蓋後人傳寫之誤濟水豬爲蒔澤此經蒙青之文曰達于蒔則由濟入漯可知矣充青徐揚四州之貢道前後相承不複不亂汶與濟連故青曰浮于汶達于濟徐揚道由淮泗從泗入濟必由蒔澤故書曰達于蒔若作河則複而無理河漯青且不言矣而徐復云達于河陵亂失次禹貢必無此書法而人猶謂作河爲是者總由不知蒔澤之原委耳

王裁按史記漢書之述禹貢也皆作通于河皆誤字也地理志山陽郡湖陵禹貢浮于泗淮通于蒔蒔水在南應劭曰尚書蒔水一名湖今地理志作禹貢浮于泗淮

通于河水在南潯誤爲河又脫下潯字水經曰潯水在山陽湖陸縣南正本漢志也据志山陽郡下作潯則志首錄禹貢作河非是斷無有一篇而自相矛盾者据漢書又知夏本紀作河皆轉寫之誤蓋潯字形聲當左水右苛篆隸取結構則作潯爲艸上河下或脫其艸則作河或誤爲彳則作荷五經文字曰荷見夏書古本亦作荷是張參以前尙書道潯澤又東至于潯多有作荷者而史記漢書道荷澤又東至于荷字皆作荷師古曰荷音歌卽尙書音義之潯徐音柯也水經注舊本亦或作荷或誤河集韻曰潯或作蒹荷禮部韻略類篇皆云荷澤音柯今直定荷爲字誤而正其不一者

又按郡國志山陽郡湖陸劉昭注引博物記志同曰苟水
出苟正澍字之誤蓋澍誤爲荷荷復誤爲苟此亦如尙
書執柯之爲執拘苟之字止句其繆相埒

又按水經注泗水篇湖陸地理志故湖陵縣也澍水在
南王莽改曰湖陸應劭曰尙書一名湖陵章帝封東平
王蒼子爲湖陸侯更名湖陸也今本水經注陸字皆譌
陵戴本旣正之矣而今本漢志應劭曰尙書一名湖水
經注引此語湖下衍陵字戴本刪尙書二字作應劭曰
一名湖陵今按戴本非也應謂尙書澍水一名湖澍湖
語之轉漢人荷讀如荷故書經古本水經注舊本皆作荷善長作注時所引應
語尙完善後人用今本漢書改之遂皆不可通又按地

理志之例云禹貢某水在某禹貢某山在某不復舉禹貢語此條鄭引祇有菏水在南四字然則班當云禹貢菏水在南應當云尙書浮于淮泗通于菏菏水一名湖轉寫顛倒其文致不可讀

又按前說自謂善矣而非也班志之例凡已見於禹貢經文者則曰禹貢某山在某禹貢某水在某此正例也此條乃變例別菏水菏澤之不同故於沛陰郡下曰禹貢菏澤在定陶東於山陽郡湖陵下曰禹貢浮于泗淮通于菏菏水在南必復舉禹貢文者謂此經文之通于菏乃菏水而非菏澤也若但云禹貢菏水在南則恐混於菏澤矣王氏尙書後案曰菏本澤名沛水所豬在今

曹州府定陶縣東北爲豫之東北徐之西北境道沅水之東至于潁是主澤言卽豫州之潁澤也徐州之達于潁則是自乘氏以至湖陵乃潁澤之枝流說文名曰潁澤水者也又曰沛水自陶丘北匯於潁澤又東北絕鉅野至琅槐入海者爲沛瀆其一枝東南流至湖陵入泗者後人目之曰潁水漢志山陽湖陵縣潁水在南且引禹貢徐州文爲證湖陵今魚臺縣地許慎云潁澤水在湖陵謂澤之下流入泗者也僞孔謂導潁澤在湖陵似湖陵不在徐而在豫導沅至于潁卽豫州潁澤在定陶者與潁澤水在湖陵者異而傳又增其文曰潁澤之水則定陶之潁澤與湖陵之潁水無別矣酈氏沛水篇注

似皆依傅孔傳而誤禹貢三言潁惟徐州達于潁在湖
陵其餘豫州及導水皆主澤言在定陶與湖陵無涉也
今攷王氏之言至爲明哲孟堅分別潁水潁澤而叔重
潁字下云潁澤水表其上游爲澤下游則爲水而在湖
陸南孟堅分中有合叔重合中有分也作水經者志禹
貢山水澤地所在凡六十潁澤在定陶縣東潁水在
山陽湖陸縣南全依漢志以說經後人鮮有分析如此者
故知志云禹貢浮于泗淮通于潁潁水在南心苦分明
無庸致疑也

又按經典釋文於徐州達于河曰如字說文作潁工可
反云水出山陽湖陵南據釋文則說文無澤字潁爲水

名謂此達于蒔乃蒔水非蒔澤最爲明畫今本云蒔澤水非善本也

又按漢之湖陵縣以蒔水得名應仲遠曰蒔水一名蒔蒔者古經湖者方言也韋昭注漢書曰蒔胡阿反韋讀如蒔雙聲則爲湖

又按郡國志山陽郡胡陸故湖陵章帝更名劉注前漢志王莽改曰湖陸章帝復其號王裁謂王莽改陵爲陸至光武時則仍稱湖陵而章帝因封侯國仍避陵呼陸劉云章帝復其號者復莽之號也司馬云章帝更名者更前漢及光武明帝時名也其實一也今本地理志應劭語二陸字皆譌作陵今本說文蒔字下山陽湖陵據

太平御覽所引正作湖陸名從主人許時不得名湖陸
猶前書不得名湖陸御覽本是也

淮海惟揚州

今人多作揚从才攷廣雅云楊揚也毛詩王風揚之水
釋文云或作楊然則毛傳楊激揚也正廣雅之所本而
郭忠恕佩觿曰楊柳也亦州名郭所據書禮故作楊後
人因江南其氣燥勁厥性輕揚之云改爲揚州不知古
人字多假借所重惟音則州名當依古从木也唐石經
作揚未可爲是

漢書楊雄傳贊曰雄之自序云爾自是總上一篇之辭
若法言序目前旣云法言文多不著獨著其目矣又何

必贅此語師古注亦曰自法言目之前皆是雄本自序之文也師古正恐人疑爲結法言序目之辭故辨之曰法言目之前皆是傳首序世系師古注曰雄之自序譜牒蓋爲疎謬是師古以班傳皆錄雄自序甚顯明班氏錄雄自序爲之傳如文心雕龍所云大史公錄司馬相如自序爲之傳也鄭仲師注周禮遂人職曰楊子云誤有田一廛仲師卒於建初八年於時漢書初成仲師未必見實用自序語漢書記雄之年壽卒葬皆於贊中補載而不繫諸傳與他篇體例不同則傳文爲錄雄自序不增改一字無疑唐初自序已無單行之本師古特就贊首一語顯之宋洪容齋隨筆謂雄所爲文盡見於

自序及漢志初無所謂方言其謂方言非子雲書非也
其直稱班傳爲自序則是也劉貢父漢書注云楊氏兩
族赤泉氏从木子雲自敘其受氏从才而楊修書稱修
家子雲又似震族貢父所見雄自序必是唐以後僞作
雄果自序其受氏從才不從木爲漢書音義者必載其
說卽音義不載師古注必引用何唐以前竝無此論至
宋而後有之且班氏用序爲傳但曰其先食采於楊因
氏焉楊在河汾之閒攷左氏傳霍楊韓魏皆姬姓國而
滅於晉羊舌肸食采於楊故亦稱楊肸其子食我亦稱
楊石漢書地理志河東郡陽縣應仲遠謂卽楊侯國說
左傳漢書家未有謂其字從手者則雄何得變其受氏

之始而從手也修與雄姓果不同字斷不曰修家子雲
以啓臨淄侯之歎笑修語正可爲辨僞之一證矣僞自
序者殆因班傳無它楊於蜀一語師古注固云蜀諸姓
楊者皆非雄族不言諸楊姓者皆从木與雄从才異也
廣韵从手揚字之下不言姓从木楊字注云姓出宏農
天水二望本自周宣王子尙父幽王邑諸楊號曰楊侯
後并於晉因爲氏近時字書又以此語係之从手揚字
之下目爲楊雄自序是又非貢父所見僞自序今貢父
所見僞自序不知存否而據班贊知班傳之外別無自
序其謂雄姓从才者僞說也 己亥年書漢書楊雄傳
後如此近人積非成是故附錄於此

彭蠡既豬

玉裁按蠡字當如此作从虫彖聲說文九篇亼部彖彖也从亼从彖讀若弛與通貫切之彖不同彖部曰按今世字誤以彖爲彖以彖爲彖何以明之爲啄啄从彖蠡从彖皆取其聲以是明之

今本按今世字誤以彖爲彖以彖爲彖何以明之爲啄啄

从彖蠡从彖皆取其聲以是明之徐鉉等曰此因彖彖此未詳或後人所加玉裁按此譌繆不可通

彖彖相混而辨之也尋其文理啄啄本从彖而俗从彖是誤以彖爲彖也蠡本从彖而俗从彖是誤以彖爲彖也蠡像字皆以彖爲聲在古音第十六部彖啄啄在古音第三部彖在古音第十四部今學者書啄啄字尙能不誤而蠡像字則自支脂之三部不分以來尠知其爲

篆聲矣

陽鳥攸居

攸紀作所故訓也志作適古字也

論衡書虛篇禹貢曰彭蠡既豬陽鳥攸居

三江旣入震澤底定

夏本紀索隱曰震一作振按廣雅釋地作振澤

釋文曰底史記音致王裁按史記作致非音致也致者

底之故訓字

篠簞旣敷

說文作筱隸變作篠釋文曰簞或作簞

紀作竹箭旣布皆故訓字也箭矢竹也

今本說文脫矢字後因

以爲矢名今文尙書敷蓋作傅紀又易爲布

厥草惟夭厥木惟喬厥土惟塗泥厥田惟下下厥賦下上
上錯厥貢惟金三品瑤琨篠簜

孔傳曰瑤琨皆美石也

左傳昭七年正義引同

正義曰美石

退似

玉者也釋文曰瑤琨美石也今本注疏及史記皆譌作
美玉說文碧琨珉瑤四字爲類皆云石之美者今各本
瑤字下譌作玉之美者詩木瓜毛傳云瑤美石也正義
不誤而釋文誤爲美玉攷王逸注九歌云瑤石之次玉
者王肅注尙書曰瑤琨美石似玉者劉逵注吳都賦云
瑤琨皆美石曾氏攷曰周禮大宰享先王則贊玉爵后
裸獻則贊瑤爵禮記尸飲五君洗玉爵獻卿尸飲七以

瑤爵獻大夫公劉詩維玉及瑤則知瑤者玉之次也
釋文曰琨音昆馬本作瑣韋昭音貫按此謂馬本作瑣
與漢書同韋注漢書瑣音貫也志作瑣而音貫志作玼
而音薄迷反隨其緇聲爲聲也凡釋文引韋昭者皆本
漢書音義說文一篇玉部琨字下曰石之美者从玉昆
聲夏書曰楊州貢瑤琨又瑣字下曰琨或从貫此蓋今
文尙書作瑣古文尙書作琨故竝列之如玼璣之比馬
本則同今文者也

說文五篇竹部曰蕩大竹也从竹湯聲夏書曰瑤琨筱
蕩蕩可爲幹周禮弓人曰凡取幹之道七柘爲上竹爲下筱可爲矢

齒革羽旄

孔傳旄旌牛尾衛包妄改經併傳上一字作毛至開寶中依衛包改釋文乃謂旄字惟見於孔傳不見於經移旄音毛於犀細兮反之下殊不知經文作毛則何由削爲旄牛尾乎攷正義曰說文云犛西南夷長旄牛也此犛牛之尾可爲旄旗之飾經傳通謂之旄牧誓云右秉白旄詩云建旄設旄皆謂此牛之尾故知旄是旄牛尾也亦可以證孔傳之爲旄旄牛尾經文之本是旄字矣凡正義有唐宋人改之未盡者如此與高宗彤日之尼字是也 牧誓右秉白旄衛不改爲毛者不知其同物也 宋元本作故知毛是旄牛尾也此宋元本之劣者也

夏本紀楊州字作毛而正義云按西南夷常貢旄牛尾
書詩通謂之旄按紀荊州羽旄齒革字正作旄則楊州
作毛淺人所改也漢書汲古本亦楊作毛荆作旄而楊
州注內仍作旄則正文亦淺人所改牧誓右秉白旄馬
曰旄旄牛尾周禮春官旄人注旄旄牛尾晉語羽旄齒
革則君地生焉韋注旄旄牛尾也樂記千戚羽旄謂之
樂注旄旄牛尾也宋本不誤俗本
正文改作毛鹽鐵論隴蜀之丹漆
旄羽貨殖傳山西饒材竹穀纁旄玉石楚語龜珠齒角
皮革羽毛左傳僖廿三年羽毛齒革皆淺人矣改作毛
者也

惟木

惟木二字紀志皆無此今文尙書也

鳥夷卉服

此亦本作鳥孔讀爲島衛包徑改爲島字後漢書度尙傳深林遠藪椎髻鳥語之人置於縣下李注鳥語謂語聲似鳥也書曰鳥夷卉服玉裁按此衛包未改尙書也漢志鳥夷不誤本紀作鳥則淺人用天寶後尙書改之也集解冀州用鄭注則作鳥楊州用孔注則作島張守節正義成於開元二十四年釋以可居之島則史記作島在開元目前

正義引左思吳都賦蕉葛升越弱於羅紈按升字乃竹

字之誤竹可爲布見王符潛夫論竹亦誤升王符傳注引沈

懷遠南越志又嵇含南方草木狀又劉達注吳都賦篋

簪引異物志又元和郡縣志韶州下又唐六典戶部下亦云漳潮等州竹子布

厥篚織貝厥苞橘柚

說文六篇木部曰柚條也似橙而酢从木由聲夏書曰厥苞橘柚按今本說文苞誤包

衛詩箋曰以果實相遺者必苞苴之尙書曰厥苞橘柚佩觿曰以艸名之苞爲厥包其順非有如此者王裁按據此則知古本皆作厥苞郭氏昧於古六書假借耳尙書本作苞釋文必爲之音義天寶開寶遞改之禮少儀苞苴詩召南白茅苞之釋文不誤旣夕禮鞞苞二史記樂書苞之以虎皮字皆從艸

袖山海經列子皆作櫟

錫貢沿于江海

釋文曰沿鄭本作松松當爲沿馬本作均云均平也玉
裁按今文尙書作均夏本紀地理志皆云均江海可證
馬本依今文尙書也鄭本作松松者沿之字誤故云當
爲沿此蓋壁中文轉寫以木水淆濶公古不分而鄭正
之若裴駟史記集解引鄭元曰均讀曰沿沿順水行也
或疑裴所據何以與陸所據異替之曰裴依史記正文
作均耳裴此條當云均鄭本作松松讀曰沿乃合孔本
依鄭作沿此如堯典卯谷卯鄭讀爲昧而孔本因之作
昧谷也

禮記祭義終始相巡鄭注巡讀如沿漢之沿三年問反
巡過其故鄉孫卿禮論篇巡作鉛楊倞注鉛與沿同循
也王裁接均之與沿猶巡之與鉛也巡徐仙民養純反
均古音同勻勻均巡循沿鉛六字一聲之轉今文尙書
假均爲沿孫卿子假鉛爲巡馬季長釋均爲平殊未安
達于淮泗

夏本紀均江海通淮泗地理志均江海通于淮泗
荆及衡陽惟荊州江漢朝宗于海

說文十一篇水部曰淖水朝宗于海也从水朝省聲衍
水朝宗于海兒也从水行玉裁按淖者今之潮字以淖
釋朝宗于海此今文尙書說也淶水之時江漢不順軌

不與海通海淖不上至禹治之江漢始與海通於楊州
曰三江旣入三江者北江中江南江也北江者漢也旣
入者入于海也於荊州曰江漢朝宗于海言海淖上達
直至荊州也

今海潮上至安慶而止

海淖上迎江漢之水下赴如

君臣一德一心呼吸相通與前此壅閼者異矣二州之
文相爲表裏

論衡書虛篇曰夫地之有百川也猶人之有血脈也血
脈流行汎揚動靜自有節度百川亦然其朝夕往來猶
人之呼吸氣出入也經曰江漢朝宗于海其發海中
時濤馳而已入三江之中殆小滄狹水激沸起故騰爲
濤

虞翻注易習坎有孚曰水行徃來朝宗于海不失其時
如月行天按此皆用今文家說

風俗通山澤篇禹貢江漢朝宗于海

九江孔殷

孔殷紀作甚中皆故訓字也

沱潛旣道

潛紀作洿古潛洿通用如毛詩潛有多魚韓詩作洿有
多魚是也志作瀾

旣紀作已他旣字不爾

雲夢土作乂

釋文曰雲徐本作云

玉裁按作雲夢土者古文尙書也作雲土夢者今文尙書也今本古文尙書作雲土夢者古文之誤者也今本史記漢書作雲夢土者史記漢書之誤者也今本古文尙書之誤始於唐石經而宋太宗復揚其波今更正

孔安國曰雲夢之澤在江南其中有平土丘水去可爲耕作畎畝之治據孔傳則經作雲夢土故釋土於雲夢之下平土丘謂平土之虛

俗作墟

如言夏虛殷虛少皞之

虛說文曰虛大丘也昆侖丘謂之昆侖虛古者九夫爲井四井爲邑四邑爲丘丘謂之虛正義不得其解乃云其內有平土有高丘儻如正義所言則傳云有平土丘成何文理乎且何以於經文土外別添丘也

晁公武石經考異序曰蜀石經尙書十三卷僞蜀周德
貞書以監本校之禹貢雲土夢作乂倒土夢字然則宋
以前雲夢土之本盛行僞蜀且以勒石唐石經旣作雲
土夢矣而蜀石經不從此蜀之勝於唐也沈括夢溪筆
談亦曰舊尙書禹貢云雲夢土作乂太宗皇帝時得古
本尙書作雲土夢作乂詔改從古本所傳舊尙書者蜀
石經之類也所傳太宗皇帝者趙宋之太宗也近人云
唐太宗
誤所傳古本尙書者唐石經之類也唐石經名儒所不
窺是以蜀石本及宋太宗以前本皆作夢土而太宗詔
從土夢自此以後版本乃無有作夢土者此事非枚顓
之咎亦非衛包之咎衛包敢於改字而不敢倒字開成

開始從誤本刊石至於正義云經之土字在二字之間
蓋史文兼上下也此十六字蓋宋太宗詔改從土夢之
後妄人增之原本所必無者唐正義果如是何以夢土
之本盛行至宋僞蜀以勒石哉周禮職方氏疏所引禹
貢淺人亦倒作土夢

必加土於作又之上者大壑大陸雲夢震澤爾雅十藪
之四藪澤者地兼水土云震澤底定大壑既豬皆自水
言水治而土治在其中矣云大陸既作雲夢土作又皆
自土言之言土治而水治在其中矣大陸不言土雲夢
言土者亦詳略互見僞孔本多襲馬鄭王之舊此雲夢
土作又必馬鄭王本固然

何以知今文尙書作雲土夢也今史記各本皆作雲夢
土而史記索隱單行本大書雲土夢三字小注云雲土
夢二澤名引韋昭云雲土今爲縣屬江夏解之曰地理
志江夏有雲杜縣是其地也然則史記本作雲土夢確
然可證而小司馬所引韋昭語乃漢書音義也則漢書
本作雲土夢又確然可證今本地理志作雲夢土小顏
注雲夢之土可爲畋漁之治皆用尙書妄改之本耳小
顏漢書本誤字最多卽如此篇車作玼而顏作螻車作
截而顏作埴車作雲土夢而顏作雲夢土其顯然者蓋
古文尙書別本作雲土夢者此用史漢改尙書是爲以
今文尙書改古文尙書也史漢之或作雲夢土者此用

尚書改史漢是爲以古文尚書改今文尚書也儀禮士
虞禮記虞浴沐不櫛注云今文曰沐浴又浴沐櫛搔剪
注云今文曰沐浴搔剪此亦如土夢夢土之不同今本
細文
作沐浴則注今文曰沐浴不可通
矣幸正義中猶有改之未盡者耳

古土杜通用如韓詩桑杜毛詩作桑土毛詩自土漆沮
魯詩作自杜是也本呼雲土單呼之爲雲此類甚多又
按楚語雲連徒洲卽雲土也此如穀於菟之類皆方俗
語言徒土杜一字也雲土長言之爲雲連迂洲猶恂資
二字荀卿書則曰備猶晉儒今文尚書未必全非伏生
執其舊業非有所改易也

又按筆談云太宗皇帝時尊本朝太宗故必言皇帝也

禹貢錐指乃去皇帝字加唐字於太宗之上尙書後案因之不可以不辨

李氏吉甫元和郡縣志曰左傳云邳子之女棄子于夢中無雲字楚子濟江入雲中復無夢字以此推之則雲夢二澤本自別矣而禹貢及爾雅皆曰雲夢者蓋雙舉二澤而言之玉裁按此李氏所據禹貢尙作雲夢不作雲土夢也

厥土惟塗泥厥田惟下中厥賦上下厥貢羽旄齒革

旄唐石經已下皆作毛今更正

惟金三品柁榦栝柏

釋文曰柁又作櫓按考工記注禹貢荊州貢櫓榦栝栢

及籀籒枯字作𣎵說文六篇木部𣎵字下曰木也从木
屯聲夏書曰𣎵榦枯柏又𣎵字下曰或从熏又𣎵字下
曰古文𣎵也古文小篆同字特古文結體偏側耳今版
本說文全失其意汗簡古文四聲韻所載近之或作𣎵
山海經同

𣎵說文作𣎵隙也一曰矢𣎵隙

作築誤

弦處也禹貢假借

𣎵爲𣎵字爾雅毛詩說文皆云𣎵柏葉松身孔傳云𣎵
柏葉松身正是一字古音皆入聲也集韻去聲十四太
曰𣎵或作𣎵

屬砥砮丹

屬唐石經作礪俗字也必衛包所改今更正唐貞觀時

釋元應衆經音義引尚書砮砥磐丹宋庠國語補音引
古文尙書若金用汝作砮汗簡古文四聲韻皆曰砮古
文礪集韻礪砮厲爲一字宋氏所謂古文尙書者宋次
道王仲至家本語枉僞說命也而貞觀時元應所引禹
貢亦作砮此等字蓋必本於三體石經非無根據也說
文十一篇水部曰砮履石渡水也从水石詩曰深則砮
按履石渡水如今人踏鞞石過泥濘此水之至淺者尙
淺於揭衣蹠膝以下爲揭膝帶以上爲厲此自古相傳
故訓詩云深則砮此正假砮爲厲與禹貢假砮爲厲正
同亦如假政爲好假狙狙爲榘榘假甥爲朋儻不得其
解謂水深則渡石橋儻其地無石橋則將待構之平絕

非詩之語意且說文立言精當木部橋字下曰水梁也
梁字下曰水橋也果如俗解則砵字下當曰石橋也乃
合不當云履石渡水且其字當入石部不當入水部與
詩釋文引韓詩至心曰屬卽爾雅由帶以上之說也爾雅
揭者揭衣也以衣涉水爲屬此一說也絲膝以下爲揭
絲膝以上爲涉絲帶以上爲屬此又一說也今本毛傳
合爲一說乃唐定顧氏玉篇云水深至心曰砵蓋韓詩
本所改非原書也作深則砵說文自引韓詩陸氏德明所據之韓詩非善
本也

說文九篇石部曰砵石可以爲矢族从石奴聲夏書曰
梁州貢砵丹玉裁按梁州貢砵磬荊州貢砵丹說文梁
丹二字必有一誤

惟箇籀楷

說文五篇竹部箇字下曰箇籀也从竹困聲籀字下曰箇籀也从竹路聲夏書曰惟箇籀楷籀字下曰古文籀从輅玉裁按竹部引夏書作籀謂籀爲古文而木部枯字下引夏書則作籀蓋壁中古文作籀說文有於小篆見古文者如籀下引夏書而下云古文作籀則壁中本作籀可知也有於古文見小篆者如韶下云古文斷引周書韶韶猗則小篆繕寫之尙書作斷斷猗可知也戰國策作籀小篆也尙書作籀古文也

鄭注曰箇籀聆風也合之說文則箇籀合二字爲名乃是一物正義云竹有二名或大小異也箇籀是兩種竹

正義非是竹有二名九字乃正義語胡氏牒明誤系之

鄭注

釋文箇字下韋昭一名聆風此當作韋昭云箇籀一名聆風脫去三字

說文六篇木部曰枯槩也从木古聲夏書曰惟箇輅枯

枯

此字今補

木名也王裁按輅當作籛籛古文籛也各本作

輅者或傳寫脫竹或如漢碑窻夕連上字从穴从竹而

省之許君籛字下引書作楷楷字當是本作枯淺人改

之引書而訓之曰枯木名明非枯槩本義此亦如引曰

圖而解之曰圖者升雲半有半無引朕聖謾說而解之

曰聖疾惡也引布重奠席而解之曰纖弱席也之類皆

非其字之本義也攷工記鄭注引箇籛枯

今注疏

釋文

枯

今本譌楷注疏本引釋文又譌楷音枯

音戶尙書作楷音同據陸氏分

別則攷工記注正同說文作枯也但疏稱鄭注尙書引
國語楷矢石弩字作楷而儀禮鄉射禮鄭注引肅慎氏
貢枯矢銘其括釋文曰枯音戶然則鄭所見國語古本
作枯矢與古文尙書合正義引鄭書注作楷者譌字耳
陸璣艸木疏不言楷可爲矢鄭書注亦但云楷木類不
言何木木有名枯音姑者周易枯楊周禮枯榆尙書之
枯恐亦非此也許鄭所据古文尙書皆作枯釋文正義
所据皆作楷恐是譌字淺人但知枯訓槩而妄改之

夏本紀維箇箛楷徐廣曰一作箭足杆杆卽楷也

今版本杆

作杆音怙箭足者矢鏃也或以箭足訓釋箇箛乎玉裁按
箭足非矢鏃正謂矢槩雖釋名謂矢鏃爲足然此等首

足無定稱如淮南謂木根爲首賈侍中注左傳謂人首爲末是也杆子聲枯古聲同在古音第五部蓋古文尙書作枯今文尙書作杆古文尙書作箇籀今文尙書作箭足非訓釋之謂也

三邦底貢

邦紀志皆作國今文尙書也

厥名苞匭菁茅

正義曰鄭元以厥名下屬苞匭菁茅

苞唐石經以下皆作包非也說詳楊州說文繫傳苞字

下左傳僖四年注穀梁傳僖四年疏引書皆作苞匭

地理

志汲古本正文作包注作苞注由舊而正文已改也

史記集解引鄭君注曰匭

依尚書正義吳都賦注補猶字

纏結也菁

茅茅有毛刺者給宗廟繙酒重之故苞裏又纏結也玉

裁按文選吳都賦職貢納其苞匭劉達注曰匭猶纏

依史

記集解吳都賦注補纏字

結也尚書禹貢曰苞匭菁茅茅生桂陽可

以繙酒給宗廟

當作給宗廟繙酒

異物也重之是故既苞裏而

又纏結之一曰匭匣也劉達前說本鄭君後說爲偽孔

所本匭得訓纏結者匭讀爲糾古音同在第三部也古

音簋軌字皆讀如九匭从匚軌聲古文簋字簋黍稷方

器也故从匚鄭君於其同音得其義也淺者不知爲古

文簋字因其从匚匚者受物之器乃訓爲匣晉初已有

此陋說僞孔襲之至唐武后乃設四匭於朝堂上表者

投之不識字之弊生心而害政矣

展籠元繡璣組

璣釋文曰馬同者馬亦曰珠類也引玉篇渠依居沂一
反依當从今玉篇作氣此條尙是顧氏原本淺人改爲
依而不知上文有其依反矣

釋文馬云組文也按文下也上恐有脫字

九江納錫大龜

納錫夏本紀作入賜玉裁按古以錫爲賜假借之法也
說文贛賜也賜予也古者下之予上亦得云賜堯典云
師錫帝禹貢云九江入錫大龜洪範云惟時厥庶民于
女極錫女保極皆是也此義不明故納錫大龜妄爲曲

說

浮于江沱潛漢

釋文曰本或作潛于漢非正義曰本或潛下有于誤耳
王裁按夏本紀浮於江沱潛於漢則今文尙書有此于
字也或改古文同今文或古文本有皆未可知古文無
逸篇無淫于觀于逸于游于田以淫領四于字此以淫
領二于字句法正同陸氏誤絕其句故云非耳

逾于雒至于南河

凡禹貢雒字今本皆改爲洛此衛包所爲也今更正
兩漢人書洛字通作雒其或作洛者轉寫改之魚豢魏
略云漢火行忌水故洛去水而加佳馬此語本不根之

談而顏籀信之且傳會之云如魚氏說則光武以後改爲雒字也地理志一篇其述禹貢則作洛其列漢郡縣則作雒陽蓋顏氏自用其說而改班氏所載今文禹貢之雒爲洛未深取其實也凡地理志所載禹貢多經後人以尙書改字夏本紀較善焉

說文水部洛字下云水出左馮翊歸德北夷界中東南入渭

今本說文譌闕依地理志當云洛水出北地歸德北夷界中至左馮翊襄德東南入渭

隴州漫

水各聲未嘗云一出京兆上雒縣冢領山東北至河南鞏縣入河也說文之例每字但舉其本義不舉其假借他用之義豫州之水字本自古作雒佳部雒字下例所不載惟出北地歸德之水字正作洛許君作書自言遵

修舊文而不穿鑿信而有證將以理羣類解謬誤曉學者達神旨必非有所依違遷就也漢志[宏]農上雒縣下

云禹貢雒水出豕領山東北至鞏入河豫州川字正作

雒此謂禹貢及職方豫州之雒也

如顏本前作伊洛道洛則禹貢雒水四字

無左馮翊襄德下云洛水東南入渭雍州浸北地歸德

下云洛水出北蠻夷中入河

此河字乃渭字之誤襄德下云洛水東南入渭卽此

一水也

字正作洛此謂職方雍州之洛也禹貢職方具述

於前故蒙上文言之此可以證志述禹貢字必作雒也

淮南墜形訓曰洛出獵山高注獵山在北地西北夷中

洛東南流入渭詩云瞻彼洛矣維水泱泱是也又曰雒

出熊耳高注熊耳在京兆上雒西北也

兆字版本誤師淮南王

在前漢而字亦一作洛一作雒分別劃然與漢志同前
此經典則小雅瞻彼洛矣毛傳洛宗周既浸水也周禮
職方氏逸周書職方解雍州其浸渭洛鄭注洛出懷德
此皆謂出北地水也周禮職方氏豫州其川滎雒正義本不
誤釋文本逸周書職方解豫州其川滎雒此皆謂出京
作洛非也兆上雒水也二字分別自古而然此非許君之所本與
魏志黃初元年幸洛陽裴注引魏略曰詔以漢火行也
火忌水故洛去水而加佳魏於行次爲土土水之牡本今
誤也水得土而乃流土得水而柔故除佳加水變雒爲
洛世期引魏略於此者正謂黃初元年幸洛陽乃有此
詔前此皆用雒後此乃皆用洛也魚氏錄魏詔云爾則

魏文帝之失也漢以前皆用雒非漢去水加佳也妄爲之說而用雍州浸名爲豫州川名凡經傳子史或應用雒而作洛或一篇一簡之內雒洛錯出此皆黃初以後轉寫竄易參差不整之故若今文尙書之作雒則見於隸釋所載漢石經尙書殘碑多士篇兩茲雒字此必伏生壁藏之本固爾非去水加佳之謂也而古文尙書今本皆作洛字考周禮天官序官注引召誥大雩至于雒大保乃以庶殷攻位于雒汭字皆作雒則知黃初後傳寫者乃盡易之不然許君說文其僞書孔氏古文也何難據古文列熊耳之水於洛字下而必遵今文哉世遠言湮攷古者貴心知其意

漢碑惟國三老袁良碑隱居河洛字作洛同音假借也
禹貢言雒者五今本地理志逾于雒浮于雒道雒雒
皆作洛惟伊雒字未改廣韻引書導洛自熊耳而云
書作雒則古本皆作雒可知也

地理志有一音二字而三水者宏農上雒之雒水廣漢
雒縣之雒水北地歸德之洛水是也二雒同偁而皆不
作洛見於禹貢者則上雒之雒也志自伊水入雒已下
雒字不下十餘見而禹貢雒水之云尤可證上文述禹
貢不當作洛

史記封禪書漢書郊祀志述秦祠官所常奉皆云汧洛
二淵張氏正義云有三洛水卽一音二字三水也未知祠何者王

裁按汧洛皆在雍州所云洛者正括地志出慶州洛源縣地理志出北地歸德北夷界中之水也故字正作洛而郊祀志孝宣以四時祠江海雒水字正作雒則豫州之雒也志又云成王郊於雒邑周公加牲告徙新邑定郊禮於雒漢人洛雒分別如此

荆河惟豫州伊雒瀍澗旣入于河

江氏叔漣曰瀍字說文所無淮南本經訓云導廛澗則古字本不從水也玉裁按此卽飛禽卽須安鳥草類皆從兩中之類也其證尙有四地理志凡字稍生者皆爲音而瀍字無音亦可以證志文本作廛一也廣雅釋水曰瀍理也此當是廛里也之誤二也玉篇水部曰瀍水

名其字廁於雜亂無章之處必非顧氏之舊三也五經文字水部不載灋字四也尙書釋文曰灋直然反蓋開寶依衛包所改而增之今姑仍其舊以俟明者

又按高氏注淮南曰塵讀褻纏之纏疑廣雅當作塵纏也理字誤

熒播旣豬

唐石經此及泐爲熒皆作熒今更正攷熒澤字古从火不从水周官經其川熒雒詩定之方中鄭箋及狄人戰於熒澤春秋左氏傳閔公二年及狄人戰于熒澤宣十二年及熒澤見六廩杜預後序云卽左傳所謂熒澤也爾雅注園田在熒陽釋文凡六熒字皆从火隱元年注

號國今熒陽縣釋文云本或作榮非尤爲此字起例玉篇焱部熒字下云亦熒陽縣漢韓勅後碑河南熒陽劉寬碑陰河南熒陽鄭烈碑熒陽將封人也字皆从火而唐盧藏用撰書紀信碑長安二年嘗以百萬之兵困高祖於熒陽字正从火至今明畫逸周書其川熒雖隋書王劭傳上表言符命曰龍闕於熒陽者熒字三火明火德之盛也然則熒澤熒陽古無从水者尙書禹貢今本从水釋文亦同者崇文總目云宋開寶中詔以德明所釋乃古文尙書與唐明皇所定今文駁異令太子中舍陳鄂刪定其文改從隸書蓋今文自曉者多故音切彌省王應麟云開寶五年詔翰林學士李昉校定名開寶新定尙書釋文天聖八年九月雕新定釋文然則衛

包庸妄改熒作榮而陳鄂和之所當訂正者也至於經
典史記漢書水經注皆爲淺人任意竄易善本時有梓
者榮者光不定之皃今江東人俗語爲役故高誘注淮南毒云熒
咸也沸水出沒不常故取名曰熒於絕小水之義無涉
也

說文十一篇水部榮字下曰榮淖絕小水也从水榮省

聲

戶局切

淖字下曰榮淖也从水寧聲

奴冷切此依文選七命李善注所引

訂

按榮字林作潏

見文選甘泉賦注

古書匙用榮字者惟靈樞

經云所出爲井所濡

難經作流

爲榮所注爲腠所行爲經所

入爲合此命名取絕小水之誼音義引說文同

岳氏珂相臺書塾刊正九經三傳沿革例曰參考諸家

之說則滎波之滎熒雒之熒熒澤之熒滎陽之滎同以
濟水溢爲波爲澤而得名釋文於左傳決然以爲作滎
者非似未深考也只如禹貢之滎波旣豬鄭引以注職
方氏則曰滎播旣都禹貢之沅水鄭注職方則曰沅蓋
播卽波也豬卽都也沅卽沅也而其字則異焉各因其
時所傳之本之舊也滎字之或从火要亦如此今各從
其本之舊而實則一也王裁按岳氏未能攷古而衷於
一是蓋天寶以前確知熒陽熒澤不當從水而其後淺
人以爲水名不當從火紛紛改竄遂使經傳熒滎錯出
苟有定識必一歸於正也

閻氏潛丘劄記說滎絕小水也爲爾雅正絕流曰亂之

絕與禹貢沛沔爲漿相發明其穿鑿傳會由不知禹貢
字本作漿故爾中斷曰絕絕者窮也故引伸爲極至之
用絕小水者極小水也絕流曰亂者中斷之意也字同
而諡別矣

播古文尙書今文尙書竝同惟偽孔古文尙書本作波
釋文曰波馬本作播正義曰馬鄭王本皆作漿播謂此
澤名漿播此孔壁古文尙書作播之明證也夏本紀作
播索隱曰此及今文竝云漿播小司馬所謂今文謂漢
石經也此今文尙書作播之明證也

鄭注古文尙書曰漿播沔水沔出所爲澤也今塞爲平
地漿陽人猶謂其處爲漿播

此從索隱作播書詩正義皆作澤蓋非也在其

縣東衛狄戰在此地

書正義詩鄭謚正義史記索隱

詩鄭謚曰檜國在豫州外方之北熒播之南居溱洧之
閒正義曰禹貢豫州云熒播既都併引鄭注今本注疏
播字悉改爲波非也無緣鄭本尙書有作波者地理志
顏注曰檜國在豫州外方之北熒播之南溱洧之閒用
鄭語也字正作播可以證矣

周禮職方氏豫州其川熒雒其浸波澨鄭注波讀爲播
引禹貢熒播既都正義曰禹貢有播水無波故引爲證
王伯厚以賈疏證漢唐書皆作播不知賈謂鄭本禹貢
耳若唐時僞孔本則作波非鄭所知也

楊雄豫州牧箴熒播泉溱此亦今文尙書作播之明證

章樵注云播一作波此用孔本古文尙書與改者藝文類聚

作播而誤播初學紀作波而誤彼

按枚頤本作波蓋用鄭注周禮說謂此眞璧中本與周官古經合非衛賈馬鄭本所能及也其用心狡矣若班志用今文尙書而字作波此必後人以枚頤尙書改之者如王莽傳不台今本作不嗣之比

江氏叔灃尙書集注熒波作熒潘云據說文水部潘水名在河南熒陽从水番聲言在熒陽則與熒澤同處故知此經之當作潘字玉裁始疑其說今按水經注濟水篇云晉書地道志濟自大伾入河與河水鬪南洑爲熒澤尙書曰熒波旣潞孔安國曰熒澤波水以成遏潞關

駟曰熒播澤名也故呂忱曰播水在熒陽謂是水也昔大禹遏其淫水而於熒陽下引河東南以通淮泗所引呂忱語謂字林也字林多本說文且說文字林之例手部播字不應旁及水名然則字林正作潘水在熒陽與說文合轍如孝水之字字林必作潯也鄭氏引孔作波闕作播呂作潘不暇分別字體所由異且馬鄭王謂熒播卽熒澤是一物許呂則潘別爲一水與熒爲二而孔傳云熒澤波水蓋謂熒是澤名波是水名斷非如正義之說呼波浪爲波水鄭氏亦不暇析其異同鄭注周禮熒雒波漾爲四云波讀爲播引禹貢熒播旣都則注書一之注周禮二之矣鄭云大禹塞其淫水者卽釋經文

既豬也江氏謂潘播波三字同故非無證

王伯厚困學紀聞曰古文云熒嶠既都此謂宋次道王仲至家古文不必置辯

凡古文尙書作豬凡今文尙書作都鄭禮注引作都者用其正字也

道澍澤

道今本作導今本釋文云導音道盧氏召弓云必本是道音導而倒之王裁謂法言切韻道則上聲導則去聲故有道音導之云也衛包改道爲導李昉陳鄂改釋文道導互易導讀上聲法言切韻有是乎且經文九河既道澠淄其道沱潛既道皆卽此道字理之曰道某已就

理曰某道此文理之易明者也夏本紀地理志皆作道則與古文尙書同也下文道汧及岐道嶓冢道潏水道黑水道河道漾道江道沅水道淮道渭道雒皆同

潯紀志皆作荷五經文字水部亦曰荷見夏書古本亦作荷

被孟豬

玉裁按周禮職方氏作望諸左氏傳僖廿八年爾雅釋地皆作孟諸古文尙書作孟豬左傳正義詩曹謚商謚正義皆引尙書作孟豬惟陳謚正義引尙書孟誤作盟轉寫失之耳

正義曰禹貢豫州云導潯澤被孟豬案地理志盟豬在梁國睢陽縣東北盟豬尙書作孟豬卽左傳稱孟諸之誤爾雅云宋有孟諸是也但聲訛字變耳今正義尙書之孟謚作盟漢志之盟謚作

明今文尙書則作明都夏本紀及水經作明都是也今文尙書亦作孟諸司馬貞索隱曰明都爾雅左傳謂之孟諸今文亦爲然凡小司馬所謂今文者皆謂赫圖石經拓本也尙書大傳夏傳孟諸靈龜則今文尙書作孟諸不誣矣鄭治古文尙書者也而注周禮曰肇諸明都也毛詩陳詒曰東不及明豬班治今文尙書者也而地理志述禹貢作盟豬梁國下又作盟諸蓋明盟孟肇古音皆讀如茫在第十部諸豬都古音皆在令之九魚在第五部皆同音通用古有不拘非可以今古文截然分別之例例之也

又按尙書大傳曰孟諸靈龜鄭注孟諸宋鼓也下文大

都經魚刀魚鄭注大都明都也則明都與孟諸爲二其說未聞

又按職方正義引尙書作明都此順鄭注而改經文疏家之病也

厥土惟壤下土墳壚厥田惟中上厥賦錯上中

楊州賦下上上錯及此錯字夏本紀皆作襍故訓字也他錯字又不爾

厥貢漆臬絺紵

臬夏本紀作絲蓋今文尙書也二字同在古音第一部

厥篚織纈

纈紀作紮故訓字也

錫貢磬錯浮于洛達于河

版本皆作浮于洛達于河唐石經作浮于洛河無達于
二字顧氏亭林校石經謬戾獨未指摘玉裁竊謂石經
旣成覆校者增改索索何不及此也夏本紀通于河今
本通誤爲達地理志入于河入蓋亦通之誤也

華陽黑水惟梁州

華說文作嶠華其假借字也廣韵曰宋戴公考父食采
於華因氏焉今左氏傳亦祇作華

岷嶠旣藝

岷俗字也當依說文作嵒或省作嶠

魏大饗碑有岷字

夏本紀

作汶又曰汶山之陽又曰汶山道江玉裁按此蓋古文

尚書作駘今文尚書作汶也史記封禪書說秦并天下
所奉名山大川自華以西有瀆山釋之曰瀆山蜀之汶
山也凡訓詁之法以今釋古謂今之汶山卽秦之瀆山
也是則漢人呼爲汶山字作汶確然可證貨殖傳曰吾
聞汶山之下沃野字作汶此古本也河渠書蜀之岷山
字作岷此改竄本也地理志蜀郡有汶江道史記西南
夷傳曰以冉駹爲汶山郡漢書孝武帝紀元鼎六年定
西南夷呂爲武都牂牁越嶲沈黎汶山郡今本華陽國志曰孝武元
封四年西南夷傳亦曰以冉駹置文山郡此亦漢時所
置誤也正作汶或作文之證也漢人字正作汶者必以伏生傳
書字正作汶屈賦悲回風曰馳峻山以清江王注尚書

曰岐山導江岐一作嶠一作汶玉裁按汶字是文省體

岐嶠皆或體也叔師引今文尙書也若古文尙書則作

駘許君造說文十一篇水部曰江水出蜀湔氏徼外駘

山入海九篇山部曰駘山在蜀郡湔氏西徼外从山散

聲此用古文尙書也駘字縣重一變為嶠再變為岷昏

聲散聲文聲同在古音第十三部民聲乃在古音第十

二部昏不從民聲也說詳說文解字讀夏本紀作汶此今文尙

書也地理志作嶠湔氏道下作嶠梁州作岷此用古文尙書改竄之

本也中山經曰岷謨之山江水出焉此與古文尙書合

者也海內東經曰大江出汶山此與今文尙書合者也

友人銅梁王氏汝璧云山海經五篇以後皆後人增纂

嶧冢山之取名不可曉嶧字不見於說文蓋其始但作
番字或加山旁也廣雅云嶧冢也然則嶧與冢正是一
物以其形名之故可單舉上字此不同大華之單舉華
字也山海經海內東經曰漢水出鮒鰌今本作魚此依太平御覽四十
五之山大荒北經曰鮒依文選敬皇后哀策注今本作鮒誤禹之山帝顓
頊與九嬪葬焉鮒讀如步禹讀如顓鮒與嶧禹與冢皆
語之轉

載唐石經已下作藝此依漢志

沱潛旣道

地理志漢中安陽鷲谷水出西南北入漢按此雖不系
諸禹貢然據鄭注梁州沱潛云地理志在今蜀郡郫縣

及漢中安陽皆有沱水潛水其尾入江漢則志述禹貢作濞此安陽縣下作濞實一物也水旁恐屬後加耳夏本紀作濞志作濞此馬班所據今文尙書有異也

水經曰沔水東過魏興安陽縣南沔水出自旱山北注

之又曰沔水出漢中南鄭縣東南旱山北至安陽

各本

沔陽縣先

生更正縣南入于沔王裁按此卽地理志之濞谷水

在安陽西南北入漢者也而其字作濞此亦濞濞濞濞

通用之證也

蔡蒙旅平

釋文旅車音盧謂車昭漢書音也史記六國表曰位在藩臣而臘於郊祀臘卽旅於秦山之旅車音正本此讀

旅爲臚周本紀魯世家魯天子之命魯卽旅旅卽臚也
古音旅讀平聲如旅弓旅矢古皆作旅可證毛居正乃
云旅音盧旅祭之旅不音盧唐宋人不知漢魏晉人之
音凡毛所駁釋文皆可付之一笑

惠氏定字論語古義曰班固述贊曰大夫臚岱侯伯僭
時鄭氏曰臚岱季氏旅於大山是也小顏曰旅陳也臚
亦陳也臚旅聲相近其義一耳禹貢曰蔡蒙旅平傳云
祭山曰旅車昭音盧士冠禮注曰古文旅作臚周禮司
儀旅擯先鄭曰旅讀爲旅於泰山之旅後鄭云旅讀爲
鴻臚之臚臚陳之也周書謚法曰惟三月旣生魄周公
旦太師望相嗣王發旣賦憲受臚于牧之野臚卽旅也

和夷底績

釋文曰和又作餘鄭云和讀曰洹玉裁按水經曰桓水
出蜀郡岷山西南行羌中入于南海鄭注曰尚書禹貢
岷嶓既藝沱潛既道蔡蒙旅平和夷底績鄭元曰和上
夷所居之地也和讀曰桓地理志曰桓水出蜀郡蜀山
西南行羌中者也鄭注止此依漢志水經則鄭注字當作桓
釋文作洹恐漢人改木爲水耳說文洹字下曰水出晉
魯之閒

惠氏九經古義曰鄭康成云和讀曰桓案漢書酷吏傳
云桓東少年場如淳曰陳畱之俗言桓聲如和故桓表
或謂之和表東京賦云敘和樹表

厥土青黎

王肅曰青黑色黎小疏也孔傳云色青黑而沃壤玉裁
按王當云青青黑色今正義本脫一青字土色不能純
青必兼黑色禮器或素或青夏造殷因鄭注變白黑言
素青者秦二世時趙高欲作亂或以當作青爲黑黑爲
黃民言從之至今語猶存也禮記出秦後故或襲秦語
尙書非其倫王氏直以黑字補足青字耳孔傳云色青
黑者亦是釋經之青云而沃壤者乃是釋經之黎以沃
壤釋黎其說未聞也馬融云黎小疏也王同蓋釋豫州
之墟爲疏故釋黎爲小疏周禮草人埴墟鄭以黏訓埴
以疏訓墟黎之言離也合黎山水經作台離山是也釋

名曰徐州貢土五色有青黃赤白黑也土青曰黎似黎

草色也

二黎字疑本皆作藜地理志合黎山作合藜山同也

土黃而細密曰埴埴

臧作臧誤

也黏昵如脂之臧也土黑曰盧盧然解散也此

皆釋尙書也而其所據之本字有不同故其說亦不同

夏本紀黎作驪蓋今文尙書也

太平御覽

州七

尙書禹貢梁州土青驪孔安國曰色青黑

豈襲史記裴駢集解與

厥田惟下上厥賦下中三錯厥貢鏐鐵銀鏤磬磬

鏐釋文作璆云音蚪徐又居蚪反又閭幼反馬同聿昭
郭璞云紫磨金案郭注爾雅璆卽紫磨金玉裁按此條
最不可通蓋美玉之字从玉作璆紫磨金之字从金作

鐻不能混一考夏本紀亦作鐻而集解引孔傳鐻玉名
字作鐻又引鄭注黃金之美者謂之鐻字作鐻裴氏不
分別之云鄭作鐻此其疏也釋文馬同之下亦當有鄭
作鐻三字其下曰韋昭云紫磨金案郭注爾雅鐻卽紫
磨金蓋引韋昭者以其注地理志卽注禹貢也故又引
郭注爾雅證之如此乃爲通貫馬本作鐻孔同鄭本作
鐻韋昭漢書同馬本古文多有異者如馬作均于江海
鄭作松于江海而正爲沿瑤琨馬本作瑤瓊是也又按
閭幼一反與爾雅釋文鐻力幼反之音相合恐以鐻之
反語誤系之鐻下也今從鄭作鐻

韋昭漢書作鐻疑史記亦本作鐻皆本今文尙書而古

文尙書則作璆馬不改字鄭則依今文讀璆爲璆

熊羆狐狸織皮西傾因桓是來

傾志作頃師古云讀曰頃玉裁按此小顏讀從尙書頃字凡小顏皆讀曰者皆易其字猶得漢人意也

水經注桓水篇曰鄭元注尙書言織皮謂西戎之國也西傾雍州之山也雍戎二野之閒人有事于京師者道當由此州而來桓是隴坂名其道盤桓旋曲而上故名曰桓是今其下民謂是坂曲爲盤也玉裁按上文和字鄭讀爲桓水不應一物而一用假借一用本名是以此桓字不爲桓水連是字立文云桓是通隴坂名今其下民謂坂爲是句曲爲桓也舉其方俗語言以證已說今

本譌謬乃不可讀矣古是氏通用見於禮記下曲禮儀禮覲禮史記宋微子世家及後漢書李雲傳說文十二篇氏字下曰巴蜀名山岸脅之堆旁箸欲落墻者曰氏楊雄賦響若氏隤桓是卽此氏字也師古漢書作氏隤師古曰氏音是今本說文十四篇自部氏字下曰秦謂陵阪曰氏从自氏聲氏乃氏之譌秦語與巴蜀語同鄭所云謂坂爲是也亦作坻韋昭音若是理之是譌作坻天水隴坻卽鄭注尙書之桓是也凡氏聲是聲在古音第十六部故氏是通用凡氏聲在古音第十五部故氏與氏不通用轉寫淆謬莫可究詰

浮于潛逾于沔入于渭亂于河

禹貢言潛者四志皆作溝紀三作潯而惟此作潛則此
潛本作潯淺人所改也凡後人妄改不盡則有參差不
治之蹟

黑水西河惟雍州弱水既西

下文道弱水釋文云弱本或作潯則此弱字亦本或作
弱也說文十一篇水部溺字下曰水自張掖刪丹西至
酒泉合黎餘波入流沙从水弱聲桑欽所說地理志張
掖郡刪丹下云桑欽以爲道弱水自此西至酒泉合黎
班許所據正同也而班書作溺許書作潯似班書从省
耳古文尙書孔安國授都尉朝朝授膠東庸生庸生授
清河胡常少子常授號徐敖教授琅邪王璜平中

中興
日仲

玉裁按溝洫志大司空掾王橫師古曰即其人也而字作橫與字平仲相應水經注河水篇亦作橫然則作璜

誤也平陵塗惲子真子真授河南桑欽君長釋文序錄桑作乘蓋字之

漢志所引桑欽說六終水漂水汶水淮水弱水易水說文水部引桑

欽說三溺水濕水汶水蓋皆其說古文尙書語然則壁中故書

作溺信而有徵後人用溺爲沈休字因用弱爲溺水字

水經注河水篇地理志桑欽曰濕水出高唐此引漢志

也今本譌作桑欽地理志曰胡氏肅明據之謂桑欽有

地理志繆甚

涇屬渭汭

釋文汭本又作內同如銳反馬云入也

漆沮既從

下文道渭又東過漆沮孔傳漆沮一水名亦曰洛水出
馮翊北王裁按此卽出北地歸德北夷中至左馮翊襄
德東南入渭之洛水也漆沮合二字成文在涇東非涇
西之漆水也今本孔傳作二水名二乃臆字或一字之
誤特言一水名以別於恆衛淮沂等也儻是三水則下
文亦曰洛水者果何水平索隱曰漆沮孔安國獨以爲
一可證

澧水攸同

文王有聲作豐水正義引禹貢東會于豐此字从水旁
者恐是俗字地理志作鄆水文王作邑于豐正以在豐
水之西名之水經渭水篇作豐水獨爲合古

郊祀志霸產豐澇涇渭豐不從水而封禪書霸產長水
澇澇徐廣曰澇音勞不爲澇音以其不音則知本不從
水也尚書蓋衛包加水開寶增釋文曰澇芳弓反

荆岐既旅

既紀作已

終南惇物至于鳥鼠

終南左傳昭四年作中南地理志右扶風武功大壺山
古文以爲終南垂山古文以爲敦物皆在縣東水經曰
華山爲西岳在宏農華陰縣西南酈注云古文之惇物
山也此大誤而史記正義索隱仍之

惇紀志水經皆作敦

志於武功下云古文敦物而述禹貢作惇者淺人改之也

原隰底績至于豬野

豬野夏本紉水經廣雅皆作都野地理志作豬塋云武
威郡武威休屠澤在東北古文以爲豬塋澤

三危既宅

夏本紀宅作度今文尙書也兗州度土作居土四奧既
度作既居此不以詁訓字代之地理志作宅恐後人所
改

三苗丕敘

夏本紀丕作大故訓字也敘紀志皆作序

厥土惟黃壤厥田惟上上厥賦中下厥貢惟球琳琅玕

爾雅釋器璆美玉也

今本作璆琳玉也非古本

又曰西北之美者有

崑崙虛之璆琳琅玕焉說文玉部曰球玉也

大徐本玉下增璆字

大誤又曰球或从璆作璆

詩韓奕鄭箋引書黑水西河其貢璆琳琅玕釋文曰琳

字又作玲

今注疏璆玲

音林孔安國云璆玲美玉也鄭注尙

書云璆美玉玲美石玉裁按釋文此條譌舛當云琳音

林字又作玲音斟孔安國云璆琳美玉也鄭注尙書云

璆美玉玲美石蓋孔本作琳鄭本作玲玲與琳異字音

雖同部義則異物也說文一篇玉部曰玲璆石之次玉

者廣雅曰璆玏石次玉也司馬相如子虛賦璆玏元屬

張揖曰璆玏石之次玉者山海經中山經焉山其下多

璆石郭傳璆玏石似玉

今本璆

璆同字璆玏同字郭注

穆天子傳云玲玉名非也玲璽合二字成文其單用玲字者古文尙書及中山經穆天子傳也李善引如淳曰城音緘功音勒廣韵璽音斟

集韵二十一侵琳說文美玉也古作玲此誤認爲一字正襲釋文之誤

紀志皆作琳論衡率性篇禹貢曰璆琳珉玕此則土地所生眞玉珠也玉裁按眞玉謂璆琳眞珠謂珉玕下文云魚蚌之珠與禹貢珉玕皆眞珠也今本謄贗不可讀疑古文尙書作玲今文尙書

作琳與爾雅合孔本同今文尙書者也鄭本作玲其作琳者非也

薛氏書古文訓作玲采諸鄭本也

浮于積石至于龍門西河會于渭汭織皮昆崙

唐石經已下昆作崐按尙書釋文大書崐崙小注云下魯門反不爲崐字反語則知上字本作昆不从山宋人加之也考爾雅兩字皆从山釋文皆有音漢書地理志作昆崙此正與陸氏尙書同也若夏本紀則作昆侖兩字皆不从山

索隱本大宛傳亦作昆侖

說文山部亦無此兩字

析支

析支大戴禮五帝德作鮮支按古音斯與析同部同紐同義鮮之雙聲轉讀同斯析是以說文鮮聲之霽讀若斯也列子湯問篇曰長子生則鮮而食之盧氏召弓云謂析而食之是也後漢書西羌傳作賜支賜析同在古

音第十六部

渠搜

搜地理志作叟五帝本紀作度

西戎卽敘

敘紀志皆作序

今本志作敘者淺人改也

漢書西域傳贊曰書曰西戎卽序禹旣就而序之非上威服致其貢物也

敘傳西戎卽序夏后是表

道汧及岐至于荆山

夏本紀汧上作道九山

釋文曰道音導衛包旣改經文之道爲導開寶閒乃倒

置之曰導音道

汧釋文作岍云字又作汧馬本作開玉裁按紀志皆作
汧志又云右扶風汧縣吳山在西古文以爲汧山句汧
水出西北入渭蓋山以水得名字當作汧爲長今依釋
文又作本馬本作開者開从門干聲小徐本古音與汧
同也

周頌天作鄭箋云書曰道岍及岐至于荆山釋文道音
導岍口田反又口見反

逾于河壺口雷首至于大岳

大唐石經以下作太誤也史漢善本尙作大志河東雋
縣下曰霍大山在東

底柱析城至于王屋

底志同紀作砥按說文底砥同字

大行恆山至于碣石入于海

大唐石經已下作太誤也史漢作太者皆是俗人所改
列子作大形山

西傾朱圉鳥鼠

圉紀志皆同而地理志天水郡冀下曰禹貢朱圉山在

縣南梧中聚郡國志漢陽郡

明帝改曰漢陽

冀有朱圉山玉裁

按圉圉古通用漢志冀縣下作圉則其前述禹貢亦必
作圉夏本紀索隱曰圉一作圉蓋皆後人依尙書改爲
圉也

至于大華

大唐石經以下作太誤也今通志堂釋文作太岳太行太華後人加點耳本篇大湖音太胡其實此等皆不必音太

熊耳外方桐柏至于陪尾

陪地理志作倍顏師古云讀曰陪按師古讀從尙書也江夏郡安陸下云橫尾山在東北古文以爲倍尾山是則漢名橫尾尙書名陪尾也夏本紀作負尾負聲音聲古音同在第一之哈部古字多以負爲倍以倍爲尙背之背亦以倍爲負高祖本紀驪數倍驪值也數音朝倍與負同下文折券棄責師古云棄其所負是也索隱說大誤漢月令王萑生呂氏春秋作王萑生俗本萑鵠

善郭景純注穆天子傳云贊今替字音倍皆其證也音轉乃皆入尤侯部

道嶠冢至于荆山內方至于大別

地理志江夏郡竟陵章山在東北古文以爲內方山王裁按章山之上當有立字史記集解引鄭元曰地理志內方在竟陵名立章山又郡國志曰江夏郡竟陵立章山本內方又水經注曰禹貢注立章山也宋本不誤蓋俗本漢書因章頭似立而脫之也

廣韵十七薛曰大嶠山名蓋漢人加山旁也凡豐之作豐畝之作漕恐皆類此

岷山之陽至于衡山過九江至于敷淺原

地理志述禹貢作敷淺原而豫章郡歷陵下傳易山傳
易川在南古文以爲傳淺原案以此作傳知前作敷者
淺人所改也猶傳土改敷土也以漢書作傳知本紀作
敷者亦淺人所改也郡國志亦曰豫章歷陵有傳易山
今本尙書正義史記索隱地理志注皆作博陽山易陽
同字博則誤也

一說地理志本作博
易作傳易者誤也

水經志禹貢山水澤地所在凡六十九江東陵敷淺原
大邳三潞皆爲地班合傳易山傳易川釋敷淺原亦地
之也注疏單舉博陽山尙書後案又傳會原字謂敷漢
原爲水皆非

徐廣史記音義曰淺一作滅

道弱水至于合黎餘波入于流沙

夏本紀弱水上作道九川

水經禹貢山水澤地篇曰合離山在酒泉會水縣東北
鄭氏注曰合黎山也王裁按蓋今文尙書作合離與桑
欽云西至酒泉合黎不言合黎在何縣而鄭所引地說
及水經皆云在會水

地理志黎作藜

淮南墜形訓曰弱水出自窮石至于合黎餘波入于流
沙絕流沙南至南海

道黑水至于三危入于南海道河積石至于龍門南至于
華陰東至于底柱又東至于孟津

大誓序正義曰孟者河北地名春秋所謂向盟是也是
於孟地置津謂之孟津王裁按盟孟古音同在第十部
皆讀如迭故左傳作盟尚書作孟也尚書舊本蓋或作
盟津或作孟津如水經注河水篇云論衡武王與八百
諸侯咸同此盟故曰盟津亦曰孟津今本盟孟字互易非尚書所
謂東至于孟津者也此尚書作孟之證也李善注東京
賦引尚書及孔傳皆作盟羣經音辨云盟津洛北地也
音孟此尚書作盟之證也作孟則訓爲四瀆之長薛綜注東
京訓爲長大顏注地理作盟則薛綜王充鄭道元皆訓爲武
王與諸侯約誓要皆緣字傳會耳尚書正義本當是作
孟今本是也釋文本當是作盟賈氏昌朝所本也今本釋文

開寶間 所刪 紀志皆作盟

文選張衡東京賦盟津達其後薛注孟津四瀆之長故

武王爲諸侯約誓於其上

此當云盟讀爲孟孟津四瀆之長一說武王與諸侯約誓

於其上故曰盟津今本薛注不完多經淺人刪改

李注曰尙書曰東至於盟津

盟津地名在洛北都道所湊古今以爲津今本文選東

京賦注脫善曰二字江氏叔濤乃誤認孔傳爲薛綜語

孔傳孟津孟地名今人刪下孟字古注內此等甚多

東過雒汭

汭溝洫志作內猶雍州渭汭本又作內也

至于大伾

伾釋文曰本又作伾字或作伾王裁按東京賦底柱鞏

流鍾以大岷善注引東過大岷此正釋文又作之本也
夏本紀水經作邳疑卽卽字之異體也爾雅山一成坯
或作伍說文土部曰坯丘一成者也水經注引从土不聲字
皆不同而音則一

北過降水至于大陸

降蔡氏沈集傳作洛以正義釋文唐石經攷之恐是字
之誤耳

孟子曰書曰洛水微子洛水者洪水也洛洪古音同孟
子舉其同音故訓與巡狩者巡所守也征之爲言正也
仁也者人也畜君者好君也一例說文水部曰洪洛水
也洛水不遵道也

下文一曰下也非正解且恐後人所增竊偽大禹謨竊孟

子乃作降水訓曰下水夫水無有不下下水何足傲人
孔傳既降誤爲降而蔡氏集傳又降誤爲降其不通一
也降水者水名也豈降洞無涯之謂

又按水經注河水篇曰不遵其道曰降亦曰遺此降字
亦降之誤其上下皆有脫文

洛玉篇唐韻皆下江切與鄭注尙書降水音合故俗本
改降爲洛此恐不始於蔡氏也

釋文曰降如字鄭戶江反正義曰鄭以降讀爲下江反
案戶江下江一也鄭無反語後人因其注爲之今之戶
江反漢人讀胡工反其時有東韻無江韻也水經注濁
潭水篇曰鄭元注尙書引地說云大河東北流過絳水

千里至大陸爲地腹如志之言大陸在鉅鹿地理志曰
水在安平信都鉅鹿與信都相去不容此數也水土之
名變易世失其處見降水則以爲絳水故依而廢讀或
作絳字非也今河內共北山淇水出焉東至魏郡黎陽
入河近所謂降水也降讀如城降于齊師之降蓋周時
國于此地者惡言降故改云共音則耳玉裁謂周秦漢時
邸降字讀如洪今音則升降絳色字讀如恭今音則鄭
意尙書降水本讀如洪降水由淇水出共北山得名共
國之字夏商周本亦讀如洪也而周時或惡其與邸降
同音乃改共讀如恭敬之恭則與升降絳色字同音漢
人乃移信都之絳水實尙書之降水旣廢其舊讀又或

徑改字作絳蓋鄭謂降水卽共水共水實卽淇水鄭善
長駁其非是引禹貢作降水說以漢志之屯留絳水云
與濁漳合俱得通稱

又按漢志六引桑欽語皆古文尙書說也而亦作絳然
則鄭所云依而廢讀或作絳字謂有改古文尙書之降
爲絳者正謂桑君長也蓋今文尙書作絳桑君說古文
尙書從之鄭不以爲然也

地理志信都國信都下云禹貢絳水入海

郡國志亦云安平國信都

有絳水上黨郡屯留下云桑欽言絳水出西南東入海

郡國

志亦云上黨郡屯留絳水出此皆釋禹貢也而字作絳則其前述禹

貢經文字亦必作絳不爾則禹貢絳水四字前無所承

今本地理志溝渚志錄禹貢皆作降淺人用尙書改之
耳夏本紀河渠書索隱本亦皆作降且分別之云地理
志从糸作絳而張守節正義引括地志云絳水源出潞
州屯留縣西南方山東北流冀州入海卽地理志桑欽
說也張本作絳與小司馬本作降不同蓋今文尙書作
絳是以史漢皆從之

今本漢志亦有作北通洛水者字之誤耳

又北播爲九河

紀無又字

同爲逆河入于海

古文尙書逆河今文尙書作迎河漢書溝渚志同爲迎

河是也其地理志同爲迎河宋子京妄改爲逆河史記
夏本紀河渠書皆作同爲逆河而河渠書又言東闕洛
當作雖作大邳迎河則知兩逆字本皆作迎其參差不治
皆繇後人目所習改竄可推而知也地理志勃海郡莽
曰迎河南皮莽曰迎河亭亦用今文尙書語迎與逆雙
聲方言自關而東曰逆自關而西曰迎白虎通引顧命
迎子釗此今文尙書之一證也金縢之新逆伏生書當
作迎此可意揣而知者也

逆在古音第五部迎在古音第十部而二部同入聲不
獨此二字雙聲也晉語若川然有原以御浦而後大車
注御迎也言川有原因開利迎之以浦然後大也國語

舊晉御牛嫁反孔晁本作印牛亮反言川印滿而大人
印教而成此韋孔二本一作御在第五部一作印在第五
十部正與逆河迎河同印仰古今字

裴駟引鄭注曰下尾合名曰逆河言相迎受也此以迎
訓逆今本誤作逆受

史記河渠書曰夏書曰禹抑鴻水十三年過家不入門

陸行載車水行載舟泥行蹈毳山行卽橋

徐廣曰橋一作權以

別九州隨山浚川任土作貢通九道陂九澤度九山然
河蓄衍溢害中國也尤甚唯是爲務故道河自積石歷
龍門南到華陰東下砥柱及孟津雒汭至于大邳於是
禹以爲河所從來者高水湍悍難以行平地數爲敗乃

厥舊本二渠以引其河北載之高地過降水正義作至

于大陸播爲九河同爲逆本作迎河入于勃海九川人改之

既疏九澤既灑諸夏艾安功施于三代玉裁按此司馬

用經文合尙書說而謂之夏書班氏因之

漢書溝洫志曰夏書禹堙洪水十三年過家不入門陸

行載車水行乘舟泥行乘毳山行則梲呂別九州隨山

浚川任土作貢通九道陂九澤度九山然河災之羨溢

害中國也尤甚唯是爲務故道河自積石厯龍門南到

華陰東下底柱及盟津雒內至于大伾於是禹呂爲河

所從來者高水湍悍難吕行平地數爲敗迺史記河渠書索

隱曰厥漢書作灑玉裁按司馬相如傳灑沈澹災亦作灑所安反二渠吕引其河北載

之高地過降

此當是本作
終淺人改之

水至于大陸播爲九河同爲

迎河入于勃海九川旣疏九澤旣陂諸夏又安功施乎

三代

尙書言入于海耳河渠溝洫皆云入于勃海臣瓚曰禹

貢夾右碣石入于海

河渠書集解作海與夏本紀然則
合今本溝洫志注作河非也

河口之入海乃在碣石也武帝元光二年河徙東郡更

注勃海禹時不注勃海也王裁按尙書孔傳地理志顏

注皆云入勃海俟攷

嶠冢道漾

說文十一篇水部漾字下曰水出隴西柏道

水經注
作源道

東至武都爲漢水漾聲漾字下曰古文也从養王裁按

是則壁中故書作瀼孔安國以今文讀之易爲漾也漢

志隴西郡氐道下曰禹貢養水所出字作養

師古云本作漾或作

養皆非善本也

則上文述禹貢亦必云岷冢道養不爾則前無

所承今本志作道漾者漢人用尙書改之也郡國志隴

西氐道下亦作養水蓋夏本紀亦本作道養後人加水

旁作瀼耳其字山也則加山旁其字水也則加水旁此

學者通病非史記獨用古文也壁中作瀼孔安國作漾

今文尙書作養此三者之不同也淮南墜形訓作洋水

高注云洋或作養此可證漢人通用養字養古音同洋

惠氏定字曰漾史記及鄭本皆作瀼王裁按云鄭本作

瀼者據史記集解引鄭注而言但說史記者多改易他

書依附史記字體索隱引孔安國云泉始出山爲濳又不可據之云孔氏作濳乎

東流爲漢又東爲滄浪之水

滄夏本紀作蒼水經注沔水篇曰武當縣西北四十里漢水中有洲名滄浪洲庾仲雍漢水記謂之千齡洲非也是世俗語譌音與字變矣

史記正義引仲雍語千齡作滄浪

過三澁

說文十一篇水部曰澁埤增水邊土人所止者从水筴聲夏書曰過三澁

至于大別南入于江東匯澤爲彭蠡東爲北江入于海

地理志會稽郡毗陵下曰北江在北東入海按此謂禹

貢北江也今本多脫北字

岷山道江

屈賦悲回風曰隱岐山以清江王注尙書曰岐山導江

岐一作岷一作汶玉裁按道作導汶作岐岷皆非舊也

古文尙書作駘山今文尙書作汶山故夏本紀曰汶山

道江而河渠書封禪書皆言蜀之汶山汶山必系蜀者

別之於萊蕪原山之汶也

河渠書汶字
淺人改作岷

爾雅釋水郭注引岷山道江釋文道徒報反本或作導

玉裁按凡各書引導河導江導漾者皆俗本也

東別爲沱又東至于醴

唐石經已下醴作澧蓋依衛包妄改又經開寶改釋文

之醴爲澧也今更正夏本紀地理志皆作醴今文尙書

與古文尙書同也尙書正義曰鄭元以醴爲陵云今長

沙有醴陵縣

見郡國志

其以陵名

今本衍爲字

縣乎孔以醴爲水

名楚詞曰濯

今本楚詞作遺

余佩兮醴浦是醴亦爲水名

天寶以後

正義醴悉改爲澧

史記集解曰孔安國馬融王肅皆以醴爲水

名鄭元曰醴陵名也大阜曰陵長沙有醴陵縣索隱曰

按騷人所歌濯余佩兮醴浦明醴是水孔安國馬融解

得其實又虞喜志林以醴是江沅之別流而醴字作澧

也師古曰醴水在荊州玉裁按尙書經傳疏皆作醴而

楚詞在唐時亦作醴浦不作澧浦

今文選誤作澧洪興祖本不誤

攷說

文水部澧字下云水出南陽雋縣衡山東入汝不云出

武陵充縣至下雋入江此可證南陽澧水字从水武陵
醴水字不从水如襄德洛水作洛上雒雒水不从水也
古文尙書或訓爲陵或訓爲水而其字皆从酉衛包因
孔釋爲水名徑改酉旁爲水旁以合他書而不知山澧
經水經作澧恐皆非舊也凡衛包之改字皆知有孔而
不知有他家也如御作返庸作鏞尼作昵鳥作島皆是
經文以一字含衆解淺人主一解以改經文而醴作澧
尤誤

過九江至于東陵東迤北會于匯東爲中江入于海

于匯蔡氏集傳俗本有作爲匯者非顧氏九經誤字言
之矣孔傳東澧分流都共北會彭蠡史漢注引皆同今

注疏本作都共北會爲彭蠡多爲字誤也山井鼎云古本無爲字

說文二篇彳部曰迤衰行也从彳也聲夏書曰東迤北會于匯

道沅水

北山經王屋之山漣水出焉郭注漣音輦地理志王屋山沅水所出沅漣聲相近殆一水耳玉裁謂實古同音假借字耳水經注作聯不从水

東流爲濟

水經注濟水篇曰風俗通曰濟出常山房子縣贊皇山廟在東郡臨邑縣濟者齊也齊其度量也余按二濟同

名所出不同鄉原亦別斯乃應氏之非矣王裁按說文沛出河東垣縣濟出常山房子二字各殊而應氏不別至二水淆亂則可知漢人書濟瀆字不皆作沛也釋名曰濟者濟也張守節曰下濟子細反釋名亦不作沛六經惟詩風周禮作沛字他經不爾尙書濟字非必衛包改也史記作濟漢志作沛而錯出濟

入于河決爲滎

周禮職方氏注滎兗水也出河東垣入于河決爲滎疏引禹貢決爲滎王裁按今疏滎誤作滎決字不誤今禹貢作滎者衛包改也 史記夏本紀作決 漢書地理志作鞅 水經注濟水篇晉地道志曰濟自大伾入河

與河水關南洑爲熒澤 地理志熒波旣豬顏注熒沈
水洑出所爲也字作洑依其時尙書本 玉裁按說文
洑水所蕩洑也溢器滿二字義迥別蕩洑者動盪奔突
而出正爲尙書洑爲熒作注腳師古注漢書云軼與溢
同眞同寐語衛包襲其誤蓋小學之不明久矣 洑是
突出溢是平霽意象迥別洑不必滿也惟沛水能洑
尙書多士篇大淫洑孔傳釋云大爲過逸之行洑可訓
爲奔逸不訓爲溢古音洑逸軼肤在第十二部之入聲
溢在第十六部之入聲相去頗遠 隱九年左氏傳曰
被徒我車懼其侵軼我也杜注軼突也成十三年左氏
傳逸我轂地謂突過我轂地也皆與水蕩洑義相類

文軌車相出也此地理志假軌爲洑之悞也鄭注周禮
曰過失若舉刃欲斫伐而軌中人者 酒誥注洑于非
彝釋文音溢又作逸亦作佚玉裁按洑之作逸佚者古
音同也陸氏云音溢者今音同也 又按道潛澤被孟
豬傳云流溢覆被之史記引孔傳作水流洑則知經傳
洑字衛包皆改作溢也

東出于陶丘北

說文十四篇自部曰陶再成丘也在濟陰从自甸聲夏

書曰東至于

文選應貞華林園詩注引無干

陶丘陶丘有堯城堯嘗所

居

小顏高帝紀注此下增後居於唐四字

故堯號陶唐氏也玉裁按禹貢

道水旱言出者此經出字當依說文作至

紀無于字

又東至于荷

此荷謂定陶之荷澤非謂湖陵之荷水也鄭注尙書曰
自道弱水已下言過言會者皆是水名言至于者或山
或澤皆非水名

又東北會于汶又北東入于海

北東紀作東北蓋今文尙書也

道淮自桐柏東會于泗沂東入于海

春秋說題辭曰淮出桐柏淮者均也均其務雒出熊耳
雒之爲言繹也言水絡繹光耀風俗通曰江者貢也珍
物可貢獻也河者播也播爲九流山龍圖也淮者均均

其務也濟者齊齊其度量也廣雅曰海晦也江貢也河
何也淮均也濟濟也伊

今本作津

因也洛驛也或疑合觀諸

家說皆取同韵字訓釋淮水字乃準字之誤非也淮从
佳聲讀如回均从勻聲讀如勻誰與勻雙聲今音淮戶
乖切亦與勻雙聲釋名淮圍也圍繞楊州北界東至海
也淮訓均正如中術之卽仲允廣雅伊因也漢達也亦
同此例漢古讀如歎達古讀如撻

道渭自鳥鼠同穴東會于澧又東會于涇

紀作又東北至于涇今文尙書也鄭云言至于者或山
或澤皆非水名則古文尙書爲體例畫一也

又東過漆沮入于河

紀無又字

道雒自熊耳東北會于湖漣又東會于伊又東北入于河
紀無又東北之又字

九州攸同

紀九州之上有於是二字大史公增之也

四塙既宅

塙釋文本同正義本作奧衛包及唐石經已下作奧開
賈中因改釋文作奧今更正作塙玉篇土部塙字注曰
於報於六二切四方之土可居引夏書四塙既宅此古
文尙書作塙之明證也尙書釋文曰塙於六反引玉篇
於報反蓋陸氏所據玉篇祇有於報一反今本於六一

切陳彭年輩增之也說文十三篇土部曰塿四方土可

居也从土與聲塿古文塿字也按四方土可居也當依

李善本作四方之上可定居者也

小徐本作四方上偽下可居者尤誤

孔傳曰四方之宅可居宅字正土字之譌偽孔傳取諸

說文說文實訓釋禹貢徐鍇繫傳引尙書四塿既宅此

據未改釋文也廣韻去聲三十七号曰四塿四方土此

必陸法言孫愐舊文也汗簡曰塿古文塿字見尙書此

其所據禹貢亦必作塿而後援說文傳會之蓋尙書本

作塿孔本亦同而作正義者所據經文作與孔傳土又

譌宅乃曲爲之說曰室隅爲與與是內也人之造宅爲

居至其與內遂以與表宅故傳以與爲宅此是用鄭堯

典注與內也孔堯典注與室也之誼正義本固非善本
衛包與堯典與字同改爲隩尤非尙書古訓周語宅爲
九隩韋注隩內也九州之內皆可宅居也此用爾雅屋
內爲隩之訓周語字從自與尙書從土不同不必牽合
與隩字易識塙字罕見後人多以其所知改所不知文
選西都賦天地之塙區李注引說文塙四方之土可定
居者也今本文選皆改作隩今本後漢書班固傳則作
與而文選吳都賦都輦殷而四與來暨與字正亦塙之
誤耳

夏本紀地理志皆作四與此今文尙書作與與古文尙
書作與不同也師古曰與讀曰塙謂土之可居者也語

亦本說文及孔傳此正援古文尙書以注漢書也顏所據尙書亦正作塙

或問西京賦云寔惟地之奧區神皋則西都賦亦當作奧區何子必正爲塙字也荅曰據李善注知李本作塙區耳非謂李本爲善也

古文尙書宅字今文尙書多作度夏本紀曰四奧旣居此必經文作四奧旣度也地理志四奧旣宅宅字恐亦本是度字

史記集解引孔安國曰四方之邑己可居也不作宅字此可證予說非繆

尙書大傳唐傳曰壇四奧鄭注奧內也安也四方之內

人所安居也此今文尙書有與無壤之證也

九山栞旅

栞唐石經已下作刊今更正

延光二年開母廟石闕銘曰九山甄旅此九山栞旅之
駁文也

九川滌原

地官序官注川流水也禹貢曰九川滌原

河渠書溝洫志皆作九川旣疏此滌原之詁訓也

九澤旣陂

地官序官注澤水所鍾也水希曰陂禹貢曰九澤旣陂
爾雅有八陂

河渠書作九澤旣灑灑音所宜切在古音十六部陂从皮聲在古音十七部音轉最近陂者障其外灑者泄其中其義相成也

四海會同六府孔修

玉篇修字下書云六府三事孔修不與今本同

庶上交正底慎財賦咸則三壤成賦

夏本紀孔作甚庶作衆底作致皆故訓字也

中邦錫土姓祗台德先不距朕行

鄭讀中邦下屬釋祗台爲敬說說文台說也今文尙書不台正同

邦紀志皆作國下男邦同此今文尙書也又紀入賜大

龜中國賜土姓錫皆作賜而兩言錫貢皆作錫似鄭注
錫所以柔金之語可信

五百里甸服

夏本紀令天子之國以外五百里甸服甸服外五百里
侯服侯服外五百里綏服綏服外五百里要服要服外
五百里荒服按天子之國千里加甸侯綏要荒五服每
服五百里面三千里爲方六千里賈逵馬融說同此若
孔傳說甸服千里加侯綏要荒四服每服五百里面二
千五百里爲方五千里與史記賈馬不同正義云司馬
遷與孔意同誤也

百里賦納總二百里納鉅

銍詩甫田正義作秬雖集韻有此字然恐俗字也

三百里納秬服

禮器莞簟之安而橐秬之設鄭注穗去實曰秬禹貢三百里納秬服王裁按秬从禾吉聲秬从禾革聲地理志作三百里內夏服又說文禾部史記封禪書有稽字異字而同物也革聲在古音第一部吉聲在第十二部皆聲夏聲在第十五部異部而雙聲與柯秆橐芥枝莖古讀

耕如字皆同紐詩甫田生民正義引尙書鄭注云甸服者

堯制賦其田使入穀禹弼其外百里者賦入總謂入刈

禾也二百里銍銍斷去橐也三百里秬秬又去穎也四

百里入粟五百里入米者遠彌輕也

按鄭注當依此二正義其禮器正義

云銓謂刈禾穗也秸服謂禾去其實惟稾秸入刈禾者
也此非鄭注乃作正義者傳合禮器爲此語并穗稾全入之斷去稾者去稾留穎而入穗也又去穎
者又去穗之穎而入穀實也穎者繫實之所之莖也粟
者糲米也米者精米也粟對已去糠者言之則去糠者
爲米未去者爲粟對精米言之則精米爲米糲米爲粟
尙書五者節次自然而後儒多不曉矣鄭注尙書曰去
穎謂用其實也注禮器曰去實謂用其穎也用其實而
亦謂之秸猶以銓斷穗而謂穗爲銓其巧於命名一也
鄭云祭用禾穎爲席許君說文曰秸者禾稾去其皮祭
天以爲席也其說各異穎者禾稾之末也

釋文曰秸本或作稍工八反王裁按有庸妄人偽造今

文尙書秸作稽正本釋文而毛奇齡謂其竊取韓愈詩郊告儼貌稽庸矣人受冤矣

釋文又曰馬云去其穎音韎按馬說與鄭同音韎二字不辭蓋馬本作韎馬云去其穎曰韎音乃曰之誤據鄭禮器注則鄭本亦作韎也漢志作夏是假借字說文夏讀若棘按韎从革聲古音革同棘在第一部

或云如子言知孔傳孔疏雖指諸家之說之謬矣然則服作何解乎曰秸服連文服事也秸服猶秸事也觀禮器注引禹貢不割去服字可證

訓詁之法渾言析言不同析言則穎與稊別如毛傳穎垂穎也說文穎禾末也書注秸穗去穎也是也渾言之

則連穎呼囊囊亦可呼穎如史記云錐處囊中穎脫而出非特其末見而已末謂錐尖穎謂錐莖少儀云刀卻刃授穎刃謂刀鋒穎謂刀柄是也又穎與穗析言之以無實有實爲別渾言之則穗亦呼穎如書序唐叔得禾異畝同穎謂異畝同穗也

四百里粟五百里米

詩齊謚正義引禹貢粟米上皆有納字順上文增之耳五百里侯服百里采二百里男邦三百里諸侯

夏本紀二百里任國玉裁按此今文尙書也非以故訓易字也白虎通爵篇引酒誥侯甸男衛邦伯作侯甸任衛作國伯此可見今文尙書作任古文尙書作男漢書

王莽傳封王氏女皆爲任莽用今文尙書制爵也觀白
虎通此章上下文皆作男知今文尙書獨作任不同春
秋傳王制作男周語鄭伯南也先鄭司農云南謂子男
左氏昭十三年傳子產云鄭伯男也王肅家語載子產
語男作南注云南左氏作男古字作男版本作南譌亦多有
作此南十字一句近人不解連言之猶言公侯也是則子男亦作
子南古男南任三字同音互訓而亦通用也

地理志二百里男國男當是本作任或用古文尙書改
之也

五百里綬服三百里揆文教二百里奮武衛五百里要服
三百里夷二百里蔡

鄭注蔡之言殺也減殺其賦按左氏傳蔡蔡叔說者謂上蔡字卽蔡字也古音蔡同殺減殺字亦讀入聲

五百里荒服三百里蠻二百里流

鄭注蠻者聽從其俗羈縻其人耳故曰蠻蠻之言緡也玉裁按緡蠻雙聲詩大雅曰荏染柔木言緡之絲毛傳緡被也方言曰緡絲施也秦曰緡吳越之閒脫衣相被謂之緡絲郭注相覆及之名也音旻

王制注禹貢荒服之外三百里蠻二百里流按云荒服之外者鄭自用其弼成之說也

東漸于海西被于流沙朔南暨聲教訖于四海

漢書賈捐之傳曰西被流沙東漸于海朔南暨聲教訖

千四海欲與聲教則治之不欲與者不強治也按欲與
二句釋經文暨聲教暨與也與師古讀曰預古干與相
與不分去上二音也荀悅漢元帝紀作北盡朔南暨
聲教八字當豫聲教者則治之不欲豫者不強治此皆
可證暨聲教爲句漢人皆爾無可疑者

地理志暨作泉說文曰泉者衆與詞也以蠙珠暨魚紀
志暨皆作泉例之夏本紀作暨聲教者淺人所改也

禹錫元圭告厥成功

衆經音義卷四尙書禹錫元珪字从玉

太平御覽

八十

尙書旋璣鈴曰禹開龍門導積石山元

珪出刻曰延喜王受德天錫佩

夏本紀於是帝錫禹元圭以告成功于天下

史記夏本紀曰禹乃行相地宜所有以貢及山川之便
利禹行自冀州始冀州既載壺口治梁及岐既修太原
至于嶽陽覃懷致功至於衡漳其土白壤賦上上錯田
中中常衛既從大陸既爲島夷皮服夾右碣石入于海
徐廣曰海一作河濟河維沈州九河既道雷夏既澤雍沮會同
桑土既蠶於是民得下土居土其土黑墳草繇木條田
中下賦貞作十有三年乃同其貢漆絲其篚織文浮於
濟漂通於河海岱維青州嶠夷既略濰淄既道其土白
墳海濱廣潟徐廣曰一作澤又作斥田上下賦上上厥貢鹽絺海
物維錯岱畎絲枲松怪石萊夷爲牧其篚會絲浮於
汶通於濟海岱及淮維徐州淮沂其治蒙羽其藝大野

既都東原底平其土赤埴墳草木漸苞

作包

其田上中

賦中中貢維土五色羽映夏翟嶧陽孤桐泗濱浮磬淮

夷蠙

索隱曰一作玼

珠泉魚其筐

元

織綺浮于淮泗通于荷淮

海維揚州彭蠡既都陽島所居三江既入震澤致定竹

箭既布其草惟夭其木惟喬其土塗泥田下下賦下上

上雜貢金三品瑤琨竹箭齒革羽旄島夷卉服其篚織

貝其包橘柚錫貢均江海通淮泗荆及衡陽維荊州江

漢朝宗于海九江甚中沱沔已道雲土夢爲治其土塗

泥田下中賦上下貢羽旄齒革金三品杞幹栝栢礪砥

簠丹維箇簠

汲古本

楷

徐廣曰一作箭足杆

三國致貢其名包匭

菁茅其篚

元

繡璣組九江入賜大龜浮於江沱沔於漢

踰于雒至於南河荆河惟豫州伊雒瀍澗旣入于河煖
播旣都道荷澤被明都其土壤下土墳壙田中上賦雒
上中貢漆絲絺紵其筐纖絮錫貢磬錯浮於雒通於河
華陽黑水維梁州汶嶧旣蒔沱涔旣道蔡蒙旅平和夷
底績其土青驪田下上賦下中三錯貢璆鐵銀鏤砮磬
熊羆狐狸織皮西傾因桓是來浮于潛踰于沔入于渭
亂于河黑水西河惟雍州弱水旣西涇屬渭汭漆沮旣
從澧水所同荆岐已旅終南敦物至于鳥鼠原隰底績
至于都野三危旣度三苗大序其土黃壤田上上賦中
下貢璆琳琅玕浮於積石至於龍門西河會于渭汭織
皮昆侖析支渠搜西戎卽序道九山汧及岐至于荆山

踰于河壺口雷首至于太嶽砥柱析城至于王屋太行
常山至于碣石入于海西傾朱圉鳥鼠至于太華熊耳
外方桐栢至于負尾道嶠豕至于荆山內方至于大別
汶山之陽至于衡山過九江至于敷淺原

徐廣曰淺道一作減

九川弱水至于合黎餘波入於流沙道黑水至于三危
入于南海道河積石至于龍門南至華陰東至砥柱又
東至于盟津東過雒汭至于大邳北過降水至于大陸
北播爲九河同爲逆河入于海嶧豕道潸東流爲漢又
東爲蒼浪之水過三澨入于大別南入于江東匯澤爲
彭蠡東爲北江入于海汶山道江東別爲沱又東至于
醴過九江至于東陵東迤北會于匯東爲中江入于海

道沆水東爲濟入于河沆爲滎東出陶丘北又東至于
荷又東北會于汶又東北入于海道淮自桐柏東會于
泗沂東入于海道渭自鳥鼠同穴東會于澧又東北至
于涇東過漆沮入于河道雒自熊耳東北會于澗灋又
東會于伊東北入于河於是九州攸同四奧旣居九山
朞旅九川滌原九澤旣陂四海會同六府甚修衆土交
正致愼財賦咸則三壤成賦中國賜土姓祇台德先不
距朕行令天子之國以外五百里甸服百里賦納總二
百里納銍三百里納秸服四百里粟五百里米甸服外
五百里侯服百里采二百里任國三百里諸侯侯服外
五百里綏服三百里揆文教二百里奮武衛綏服外五

百里要服三百里夷二百里禁要服外五百里荒服三
百里蠻二百里流東漸于海西被于流沙朔南暨聲教
訖于四海於是帝錫禹元圭以告成功于天下

漢書地理志曰堯遭洪水襄山襄陵天下分絕爲十二
州使禹治之水土既平更制九州列五服任土作貢曰
禹敷土隨山栞木奠高山大川冀州既載壺口治梁及
岐既修太原至于嶽陽覃懷底績至于衡漳厥土惟白
壤厥賦上上錯厥田中中恒衛既從大陸既作易夷庚
服夾右碣石入于河沛河惟兗州九河既道雷夏既澤
雍沮會同桑土既蠶是降丘宅土厥土黑墳中縣木備
厥田中下賦貞作十有三年迺問厥貢漆絲厥棗織文

浮于沛澤通于河海岱惟青州岨夷既略惟出其道厥
土白墳海瀕廣潟田上下賦中上貢鹽絺海物惟錯岱
畎絲枲鉉松怪石萊夷作牧厥棊縻絲浮于汶通于沛
海岱及淮惟徐州淮沂其又蒙羽其藪大壑既豬東原
底平厥土赤埴韋昭作載見墳草木漸苞作包田上中

賦中中貢土五色羽畎夏狄嶧陽孤桐泗潁浮磬淮夷

蠙

師古曰或作玼

珠泉魚鱖棊

元

織縞浮于淮泗通于荷淮海

惟揚州彭蠡既豬陽鳥道居三江既入震澤底定篠簜

既敷中天木喬厥土塗泥田下下賦下上錯貢金三品

璫璣篠簜齒革羽旄鳥夷卉服厥棊織貝厥苞橘柚錫

貢均江海通于淮泗荆及衡陽惟荊州江漢朝宗于海

九江孔殷沱瀟既道雲土夢作又

依韋昭作雲土夢

厥土塗泥

田下中賦上下貢羽旄齒革金三品
杻幹栝柏厲砥砮
丹惟箇籥楷三國底貢厥名苞匭菁茅厥棐元纁璣組
九江納錫大龜浮于江沱瀟漢逾于洛至于南河荆河
惟豫州伊雒瀍澗既入于河滎波既豬道荷澤被盟豬
厥土惟壤下土墳壚田中上賦錯上中貢漆臬絺紵棐
織績錫貢磬錯浮于洛入于河華陽黑水惟梁州岷嶓
既藝沱瀟既道蔡蒙旅平和夷底績厥土青黎田下上
賦下中三錯貢璆鐵銀鏤砮磬熊羆狐狸織皮西頃因
桓是俛浮于瀟逾于沔入于渭亂于河黑水西河惟雍
州弱水既西涇屬渭汭漆沮既從鄠水道同荆岐既旅

終南惇物至于鳥鼠原隰底績至于豬塋三危旣宅三
苗丕敘厥土黃壤田上上賦中下貢球琳瑯玕浮于積
石至于龍門西河會于渭汭織皮昆崙析支渠叟西戎
卽敘道汧及岐至于荆山逾于河壺口雷首至于大嶽
底柱析城至于王屋太行恒山至于碣石入于海西望
朱圉鳥鼠至于太華熊耳外方桐柏至于倍尾道嶠豕
至于荆山內方至于大別嶧山之陽至于衡山過九江
至于敷淺原道弱水至于合黎餘波入于流沙道黑水
至于三危入于南海道河積石至于龍門南至于華陰
東至于底柱又東至于盟津東過洛汭至于大伾北過
降水至于大陸又北播爲九河同爲逆河入于海嶧冢

道漾東流爲漢又東爲滄浪之水過三澌至于大別南入于江東匯澤爲彭蠡東爲北江入于海嶠山道江東別爲沱又東至于醴過九江至于東陵東迤北會于匯東爲中江入于海道沅水東流爲沛入于河軼爲煖東出于陶巨北又東至于荷又東北會于汶又北東入于海道淮自桐柏東會于泗沂東入于海道渭自鳥鼠同穴東會于酆又東至于涇又東過漆沮入于河道洛自熊耳東北會于澗澗又東會于伊又東北入于河九州通同四輿旣宅九山棐旅九川滌原九澤旣陂四海會同六府孔修庶土交正底慎財賦咸則三壤成賦中國錫土姓祗台德先不距朕行五百里甸服百里賦內總

二百里內銍三百里內夏服四百里粟五百里米五百里侯服百里采二百里男國三百里諸侯五百里綏服三百里揆文教二百里奮武衛五百里裏服三百里夷二百里蔡五百里荒服三百里蠻二百里流東漸于海西被于流沙朔南臬聲教訖于四海禹錫元圭告厥成功

京兆尹華陰

大華山在南

左馮翊夏陽

禹貢梁山在西

德渭

禹貢北條荆山在南洛水東南入

右扶風鄠

出東

南北過上

美陽

禹貢岐山

武功

大壺山

為終南垂山古文以

宏農郡盧氏

熊耳山在東伊

為敦物皆在縣東

安禹貢渭水在上雒至入河熊耳山在東北

河東

郡蒲反

舊首山

漫澤

禹貢析城垣

禹貢主屋山在東北

德入河

出焚陽北地

僂

在東大山北所禹貢壺口

黨郡長子

鹿谷山

濁漳水

所屯畱桑欽言絳水出

谷清漳水

所出東

河內郡山陽

北至阜成

入大河

東郡東武陽

乘入海

潁川郡

密高以密高為外方山也

陽郡平氏

禹貢桐柏大復山在東南淮

南郡臨沮

南條荆山

華容

雲夢澤枝江東入江

江夏郡竟陵

立章山

在東北古文以為內

安陸

廬江郡尋陽

禹貢九江在南

山陽郡湖陵

荷濟水

鉅陞

大陞澤

濟陰郡

禹貢潁澤在定陶

在西南
陶丘亭
成陽
禹貢雷澤
在西北
乘氏
泗水東南至
睢陵入惟
鉅鹿郡鉅

禹貢雷澤
在西北

乘氏

泗水東南至
離陵入淮

鉅鹿郡鉅

鹿
澤禹貢大陸
在北

常山郡靈壽

禹貢衛水出東北東入海池

上曲陽山恆

北谷在西北禹貢
恒水所出東入滄

平原郡鬲

平當以高唐
爲隔津

桑欽言
水所出

泰山郡博

岱山在西

蓋沂水入南

至
萊蕪

原山淄水所出
東至博昌入海

又禹貢汶水出西南蒙陰禹貢蒙山入洧汶水桑欽所言在西南

琅邪郡朱虛秦東

山汶水所出東箕禹貢維水北
至安上入維至昌都入海

東海郡下邳

葛嶧山
在西古

文以爲

祝其山禹貢羽在南

會稽郡吳

具區澤在西古文以爲震澤南江在南東

入海按此禹毗陵北江在北
貢三江之一也東入海

丹陽郡石城

東至餘蕪湖中江出西南東至陽羨入海按北江
姚入海南江中江禹貢之三江也水經無南江

豫章郡彭澤

禹貢彭蠡澤在西

歷陵

傳揚山傳揚川在南
古文以爲傳淺原

漢

中郡安陽

瀟谷水出西南北入漢按此疑水經之誤水禹貢梁州之潛水也

蜀郡
賈萬

祖米出蜀山西南禹貢江沱在青衣禹貢蒙山

而脫梁州禹貢嶧山在西外江水武都郡

武都東漢水受氏道水一名沔隴西郡氏道禹貢

至武都首陽禹貢鳥鼠同穴山在西南渭臨洮禹貢

縣西禹貢嶧山西漢所出南入金城郡河關積石

西南羌中河水行塞外東天水郡冀禹貢朱圉山在

武威郡武威文以爲緒張掖郡刪丹桑欽

道弱水自此西居延居延澤在東北安定郡涇陽頭

山在西禹貢涇水所北地郡歸德洛水出北隴夷界

出東至陽陵入渭北地郡歸德中入河按河當

作捐此即左馮翊東德之洛右北平郡驪成大揭石

水也此言其原彼言其委

南信都國信都禹貢終樂國睢陽禹貢盟諸魯

國卞

泗水西南至方與入沛按沛當是沛誤

六安國安豐

禹貢大別山在西南

長沙國湘南

禹貢衡山在東南

水經曰嵩高爲中嶽在潁川陽城縣西北 泰山爲東

嶽在泰山博縣西北 霍山爲南嶽在廬江潯縣西南

華山爲西嶽在宏農華陰縣西南 雷首山在河東

蒲坂縣東南 砥柱在河東大陽縣東河中 王屋山

在河東垣縣東北也 太行山在河內野王縣西北

恒山爲北嶽在中山上曲陽縣西北 碣石山在遼西

臨渝縣南水中也 析成山在河東濩澤縣西南 大

嶽山在河東永安縣 壺口山在河東北屈縣東南

龍門山在河東皮氏縣西 梁山在馮翊夏陽縣西北

河上 荆山在馮翊懷德縣南 岐山在扶風美陽縣
西北 汧山在扶風汧縣之西也 隴山終南山敦物
山在扶風武功縣西南也 西頃山在隴西臨洮縣西
嶓冢山在隴西氐道縣之南 烏鼠同穴山在隴西
首陽縣西南 積石在隴西河關縣西南 都野澤在
武威縣東北 合離山在酒泉會水縣東北 流沙地
在張掖居延縣東北 三危山在燉煌縣南 朱圉山
在天水北冀城南 岷山在蜀郡湔氐道西 熊耳山
在宏農廬氏縣南 荆山在南郡臨沮縣東北 內方
山在江夏竟陵縣東北 大別山在廬江安豐縣西南
外方山崧高是也 桐柏山在南陽平氏縣東南

陪尾山在江夏安陸縣東北 衡山在長沙湘南縣南
九江地在長沙下雋縣西北 雲夢澤在南郡華容
縣之東 東陵地在廬江金蘭縣西北 敷淺原地在
豫章歷陵縣西 彭蠡澤在豫章彭澤縣西北 中江
在丹陽蕪湖縣西南東至會稽陽羨縣入于海 震澤
在吳縣南五十里 北江在毗陵北界東入于海 陽
山在下邳縣之西 羽山在東海祝其縣南也一曰
丘在濟陰定陶縣之西南 荷澤在定陶縣東 雷澤
在濟陰成陽縣西北 荷水在山陽湖陸縣南 蒙山
在泰山蒙陰縣西南 大野澤在山陽鉅野縣東北
大邳地在河南城皋縣北 明都澤在梁郡睢陽縣東

北 益州沱水在蜀郡汶江縣西南其一在郫縣西南
皆還入江 荊州沱水在南郡枝江縣 三澁地在南
郡郢縣北沱

右禹貢山水澤地所在凡六十